

Romans

Saint Paul, Rome gwizhit Gwik'injiighit Najj ts'a' Ch'adaant'oo

1 ¹Shij t'ee Paul, Christ Jesus vi-slave ts'a' Tr'ihil'e' ihlii Vit'eegwijyahchy'aa Vagwandak Nizij eegwahaaldak geenjit gwhitee tr'ashaqchijj.

²Jii Gwandak Nizij t'ee niighit daj' gwanaa Vit'eegwijyahchy'aa deeshi'yaa nyaq, Vit'eegwijyahchy'aa Eenjit Ginkhii najj yeegwahaandak goo'aii ts'a' Vit'eegwijyahchy'aa Viginjik Shroodiinyaq zhit gwadanakhwat'oo t'oonchy'aa. ³Jii Gwandak Nizij Diik'eegwaadhat Jesus Christ Gwidinji' nilii, yeenii King David ts'an deedhaa geh'an dzaa nankat dinjii nilii. ⁴Vit'eegwijyahchy'aa Vach'ankey'aa Shroodiinyaq k'iighai' lyaa t'aih nitsii haa ch'ichij' ts'an neegwiindaii, aji geh'an Vit'eegwijyahchy'aa Vidinji' t'inchy'aa vaagwiindaii. ⁵Vik'iighai' Vit'eegwijyahchy'aa ch'eiinzhril shats'an iltsaji, Christ k'iighai' Tr'ihil'e' ihlii, nankat dinjii datthak gwik'injiheeghit ts'a' deegihee'yaa goo'aii gwik'it t'igihee'yaa geenjit. ⁶Rome kwaiik'it gwachoo gwizhit juu Vit'eegwijyahchy'aa, Jesus Christ ts'an heelyaa eenjit oonjik najj, nakhwant'ee chan t'anakhwaihnyaq.

⁷Rome gwizhit dinjii najj datthak nakhwats'a' ch'adijht'oo, juu Vit'eegwijyahchy'aa nakhweet'iindhan ts'a' shats'an nakhwaihnyaq najj. Vit'eegwijyahchy'aa Gwiti' ts'a' K'eegwaadhat Jesus Christ, haa ch'eegoonzhrij ts'a' tsinehdan haa nakhwats'an gohtsyaa.

**Paul, Roman Gwik'injiighit Naji Eenjit
Vit'eegwijyahchy'aa Ts'a' Mahsi' Nyaa**

⁸Nankat datthak nakhwak'injigwiighit gwigwiitth'ak geh'an, tr'ookit, Jesus Christ vik'iighai' nakhweenjit Shivit'eegwijyahchy'aa mahsi' vaihnyaa. ⁹Vit'eegwijyahchy'aa shidrii datthak haa vik'eegwałthat ts'a' vik'it dinjii hihłyaa gwik'eegwidaii ts'a' Vidinji' Vagwandak Nizii eech'oaaltan t'ee hi'didlii haa t'ihnyaa gaandaii. Gweedhaa datthak nakhwanaldaii gaandaii, ¹⁰khadigihjii gwiteegwaanchy'aa datthak, Vit'eegwijyahchy'aa gwik'it t'iindhan ji' gwizhrıh nakhweenihshyaa gwahahtsyaa geenjit jyaa vaihnyaa. ¹¹Vit'eegwijyahchy'aa vich'eegwahndit nakhwat'aa gwahahtsyaa geenjit łyaa nakhweenoihshi' nihthan. ¹²Nakhwan, aııts'a' shıı haa nihts'an diik'injigwiighit nint'aa tr'ahahtsyaa geenjit.

¹³Shijyaa naji, gwinleji nakhweenoihshi' nihthan gaanoondaii, gaa khit shaa gwats'oqoghaih goo'aa. Nakhwatee geech'oolchya' nihthan, nakhwalat naji gwik'injiheeda geenjit. Jews nilii kwaa naji tee gwitr'it t'agwałya' gwik'it. ¹⁴Dinjii naji datthak ts'a' tr'ihihdal gwizhrıh goo'aa, kwaiik'it gwizhit dinjii naji dinjii tee gwich'ıı ts'a' oo'ok tthan gwa'an gwich'ıı naji haa. Dinjii geeroołtin naji ts'a' geeroołtin kwaa naji haa datthak. ¹⁵Rome kwaiik'it gwachoo gwizhit gwich'ıı naji chan nakhwatee Gwandak Nizii eech'oolchya' nihthan.

Gwandak Nizii Ginjik Nint'aa

¹⁶Jii Gwandak Nizii łyaa vik'injihkhit, Jews naji tr'ookit aııtł'ee Jews nilii kwaa naji, juu gwik'injiighit Vit'eegwijyahchy'aa vat'aa k'iighai' datthak neegeheezhii. ¹⁷Gwandak Nizii t'ee nats'ał Vit'eegwijyahchy'aa vik'it dinjii tr'iheelyaa gwagwahkji t'inchy'aa, tr'ookit daı' gwats'an ndaagwaan'aı' gwats'a' datthak gwik'injigiighit k'iighai' gwizhrıh. Dehtły'aa Choh zhit jyaa t'igwinyaa, “Dinjii gwik'injigwiighit di'ıı k'iighai' Vit'eegwijyahchy'aa k'it dinjii nilii t'ee khit gwandaii hee'yaa.”

Dinjii Naji Datthak Gootr'agwaanduu Gwanlii

¹⁸Dinjii iizıı naji nijin hi'deegwidlii angwagwaa'ee daı', Vit'eegwijyahchy'aa zheekat gwats'an juu vatr'agwaanduu

gwanlii nãjî ts'á' zhyaants'iî gwizhrîh nigwiin'ãjî. ¹⁹Nats'ãã Vit'eegwijyahchy'aa nilii t'inchy'aa ãjî gwinzii gwigweefkîjî, ts'á' tr'agwaanduu t'igii'in gaagiindaii geh'an Vit'eegwijyahchy'aa googwahshii t'oonchy'aa. ²⁰Vit'eegwijyahchy'aa jii nan iłtsãjî ðãj' gwats'an jidii iłtsãjî juu nãjî datthak gwah'in, Vit'eegwijyahchy'aa t'inchy'aa vaagwiindaii vat'aii ts'á' vich'eegwãhndit haa gwaraah'in kwaa gaa gwinzii gwigweech'in. Vit'eegwijyahchy'aa vigwitr'it gwigweech'in geh'an dinjii nãjî duuyeh Vit'eegwijyahchy'aa gwanlii gaagwiindaii kwaa ginyaã. ²¹Vit'eegwijyahchy'aa haagiindaii gaa deegihił'e' kwaa, ts'á' mahsî' gaa giiyahnyaã kwaa, gwiizhit dagwagwandaii zhit gwiizuu gwizhrîh ninjich'agadhat ts'á' googwandaii gwinzii goohaa nilii kwaa. ²²Gwaroonzhîj ginyaã gaa tr'igwigwinjik t'iginchy'aa. ²³Vit'eegwijyahchy'aa khit gwandaii nilii ãjîts'á' nikiigwagwah'ee kwaa, gwiizhit dinjii akwat, dziıtsal kwaii, nin nihłehts'i' daazhyaa kwaii, gyuu kwaii k'itiltsi' ãjî ch'ik'itiltsi' gãã'iî ts'á' nik'iigwagwah'ee.

²⁴Ãjîts'á' t'ee tr'agwaanduu nihłaa neegwigwii'aii gwizhrîh digidrii zhit t'asho'ya' giindhan geh'an Vit'eegwijyahchy'aa zhyaa gwats'á' t'agoovahthan, ts'á' oozhii gwaa'in haa nihts'á' tr'agwagwah'in. ²⁵Vit'eegwijyahchy'aa vihi'deegwidlii ãjî k'injirooghit giindhan kwaa gwiizhit tr'oos'tit ãjî gwik'injigiighit. Vit'eegwijyahchy'aa ts'á' khagidiinjii ts'á' k'eegwagwahthat kwaa gwiizhit dzaa nankat Vit'eegwijyahchy'aa jidii iłtsãjî kwaii ts'á' khagidiinjii ts'á' k'eegwagwahthat. Vit'eegwijyahchy'aa zhrîh khit geenjit deerahaãh'aa goo'aii t'oonchy'aa! Amen!

²⁶Ãjî oozhii gwaa'in gwizhrîh tr'agwaanduu t'asho'ya' giindhan geh'an, Vit'eegwijyahchy'aa zhyaa gwats'á' t'agoovahthan. Tr'injaa nãjî gaa nats'ãã ch'aagiheechyaa kwaa goo'aii ky'aa ch'izhii tr'injaa nãjî haa giłchuu. ²⁷Ãjî gwik'it dinjii nãjî chan tr'injaa haa nigwigwii'ãjî akhagagoonyaã ts'á' ch'izhii dinjii nãjî haa nigwigwii'ãjî. Oozhii gwaa'in ky'aa dinjii haa nigwigwii'ãjî geh'an nats'ãã khaiinjich'igiheeghit gwik'it googwahshii.

²⁸Jii dinjii nãjî Vit'eegwijyahchy'aa vihi'didlii haagoondaii giindhan kwaa, ãjî geh'an, deegihee'yaa kwaa goo'aii ãjî gwik'it t'igihee'yaa geenjit tr'agwaanduu ninjich'agadhat gwats'á' akhagavoonyaã. ²⁹Tr'agwaanduu gwigwitr'it gwizhrîh t'asho'ya' giindhan. Tr'agwaanduu googwitr'it gwanlii, dinjii ehdaa

tr'agoogwa'at, dinjii ts'ihgwat haa gaakhwaii, ninjigwagwaazhii, ch'izhii dinjii ts'an ts'á' dinjigiighit, gēhdaa kwaa dinjii nāḡi itr'igii'ee, ts'á' ch'eegiginkhii jii kwaii zhit gwagwandaii. ³⁰Vit'eegwijyahchy'aa eet'igiindhan kwaa gwizhit adagashoogahḡi, ts'á' ideech'igi'in, gwiizūḡ nihleegiginkhii. Digiyyehghan k'eegwagwahthat kwaa gwizhit gwiizūḡ t'igihee'yaa gwizhr̄h gininjich'agahthat. ³¹Deegii'in gwadraḡi ninjich'agahthat kwaa, jyaa zhyaa digwehee'yaa ginyaa gaa gwik'it t'igii'in kwaa, dinjii eenjit ch'eeshroonchy'aa akwat ch'eet'igwiniindhan gii'ḡi kwaa, neeshraahchy'aa gaa giindhan kwaa. ³²Juu Vit'eegwijyahchy'aa va-law deenyaḡ gwik'it gwandaii kwaa nāḡi, nigiheedhaa gwizhr̄h gwinyaa ḡi gaagiindaii. Googaa nihk'it jyahts'á' gwagwandaii, gwiizhit juu gook'it t'ii'in nāḡi chan ashoogahḡi.

Vit'eegwijyahchy'aa, Dinjii Nāḡi Datthak Oohaahkat

2 ¹Shijyaa nāḡi, dinjii tr'agwaanduu t'ii'in dohnyaa? Zhyaa jyaa dahohjyaa geenjit, juu qhḡi! Nijin dinjii tr'agwaanduu t'ii'in dohnyaa ḡi' nakhwadrii zhit doonchy'aa gwagohch'in t'akhwa'in, gwiizhit nakhwan t'ee gwik'it nakhwagwitr'it gwiizūḡ ḡi' nakhwan t'ee nakhwagwarahahshii dohnyaa k'it t'oonchy'aa. ²Nijin Vit'eegwijyahchy'aa dinjii nāḡi jyaa dii'in ḡi' iizūḡ ahnyaa ḡi' ḡi'didlii vaagwiindaii. ³Googaa, shijyaa nāḡi, ch'izhii dinjii nāḡi nakhweenjit tr'agwaanduu t'ii'in gwiizhit nakhwan chan gwik'it t'akhwa'in, Vit'eegwijyahchy'aa zhyaa nakhwahah'yaa nohthan? Duuyeh! ⁴Akwat khai'gwidlii ts'á' ch'eegoonzhrii dii'ḡi vatr'qoh'ee? Vit'eegwijyahchy'aa nakhwatr'agwaanduu gwats'an tr'ineenakhwaheelyaa geenjit nakhwaa nilii, Vit'eegwijyahchy'aa neeshraahchy'aa nakhoonyaa t'oonchy'aa. ⁵Datthak ts'á' nakhwadrii dach'at geh'an Vit'eegwijyahchy'aa zhyaants'ḡi ts'á' ḡi'didlii haa ch'oohahkat ts'á' nijin drin ch'oohahkat nagwaanāḡi ji' gwandaa nakhwagwahahshii gohtsii t'oonchy'aa. ⁶Nats'ahts'á', diigwitr'it gwanlii gwik'it Vit'eegwijyahchy'aa diineegwahahtsyaa t'oonchy'aa. ⁷Dinjii lat nāḡi gwinzii t'igihee'yaa geenjit gwint'aii gwitr'it t'agwagwah'in, ts'á' Vit'eegwijyahchy'aa vich'eegwāhndit, ts'á' gwihil'ee, ts'á' khit gwandaii goovant'eehee'aa geenjit chan tr'agwagwah'in, ḡi'its'á' Vit'eegwijyahchy'aa gwandaii ndaanāḡ'ḡi' kwaa goots'an hahtsyaa t'oonchy'aa. ⁸Ch'izhii dinjii nāḡi geedan zhr̄h idininjich'agadhat ts'á' gwinzii t'asho'ya'

giindhan kwaa, gwiizhit tr'agwaanduu gwigwitr'it zhr̄ih t'asho'ya' giindhan. Jii dinjii n̄aj̄i gwiizqū gwiizhr̄ih gwats'ą' gahandak n̄aj̄i Vit'eegwijyahchy'aa zhyaants'ij̄i haa goots'ą' tr'agwahaah'yaa t'oonchy'aa. ⁹Jews nilii n̄aj̄i tr'ookit āiit'ęę Jews nilii kwaa n̄aj̄i, datthak tr'agwaanduu googwitr'it gwanlii n̄aj̄i googwahahshii ts'ą' khaiinjich'igiheedhat t'oonchy'aa. ¹⁰Gaa Vit'eegwijyahchy'aa juu gwinzii yeenjit gwitr'it t'agwah'in n̄aj̄i vich'eegwahndit, gwihil'ee ts'ą' tsinehdan haa goots'an hahtsyaa, Jews nilii n̄aj̄i tr'ookit āiit'ęę Jews nilii kwaa n̄aj̄i. ¹¹Vit'eegwijyahchy'aa dinjii n̄aj̄i datthak nihk'it oohaahkat t'inchy'aa.

¹²Moses va-law k'it geedaa kwaa ts'ą' gootr'agwaanduu gwanlii geh'an Jews nilii kwaa n̄aj̄i neegeheezhii kwaa t'iginchy'aa. Jews n̄aj̄i āi Moses va-law k'it geedaa ts'ą' gootr'agwaanduu gwanlii ts'ą' Moses va-law k'iighai' goorooahkat t'iginchy'aa. ¹³Moses va-law tr'iitth'ak k'iighai' Vit'eegwijyahchy'aa vaa gwinzii tr'eedaa kwaa, gaa Vit'eegwijyahchy'aa deediinahnyaa gwik'it tr'eedaa ji' gwizhr̄ih. ¹⁴Jews nilii kwaa n̄aj̄i ch'ihłee gaa jyaa khwa'in goovahnyaa kwaa gaa nihk'it Moses va-law k'it geedaa. Moses va-law danakhwat'oo gii'ij̄i kwaa gaa digidrii zhit āi Law haagiindaii gwigweech'in. ¹⁵Nats'ąą neegidigeheendik gwik'it goodrii zhit Law t'inchy'aa gaagwiindaii geetee gwinzii t'ishi'in giindhan ts'ą' gwiizqū t'ishi'in chan giindhan geh'an. Nats'ąą ninjich'agadhak goovaagwiindaii. ¹⁶Āi geh'an Gwandak Nizii nakhwats'ą' eech'oaatan t'ishi'in, Jesus Christ k'iighai' Ch'arooahkat Drin ji' Vit'eegwijyahchy'aa juu n̄aj̄i datthak gweentak ninjich'adhat n̄aj̄i oohaahkat, zhat drin digweheenjyaa geenjit goohahkat t'oonchy'aa.

Jews N̄aj̄i Ts'ą' Goo-Law Kat Nats'ąą Dinjii Tr'ihelyaa Gwanakhwat'oo

¹⁷Nakhwan āi yu'? Jews qh̄ij̄i dohnyaa ts'ą' Law k'it dinjii qh̄ij̄i ts'ą' Vit'eegwijyahchy'aa vaakhwandaii āi geech'oh'in ts'ą' adashoo qh̄ij̄i. ¹⁸Law ts'an gaakhwandaii, nats'ąą Vit'eegwijyahchy'aa dinjii qh̄ij̄i nakhoonyaa āi ts'ą' gwinzii goohqhdaii gwik'eegqhdaii. ¹⁹Dinjii vandee kwaa n̄aj̄i tq̄o gwizhit nq̄h'aa k'it ts'ą' dinjii n̄aj̄i eenjit aadrii qh̄ij̄i nohthan, āi ts'ą' gaandaii choh qh̄ij̄i nohthan! ²⁰Tr'iinin tsal gaagiindaii kwaa ts'ą' dinjii vigwizhi' kwaa n̄aj̄i haa eenjit geech'oohtan qh̄ij̄i nohthan. Jii Law vizhit datthak gwizhr̄ih ts'ą' hi'didlii gwanlii

datthak khwa'ij ts'a' lyaa gaakhwandaii. ²¹ Geech'oohtan, akwat geedoontan jaghaii? “Ch'oij'ij shrq'!” dohnyaq gwiizhit nakhwan aij ch'ooh'ij! ²² “Juu geedhidii akwat veeraadii haa oiinchi' shrq'!” dohnyaq gwiizhit nakhwan jyaa dakhwa'in! Ch'ik'itiltsj' atr'ooh'ee, dohnyaq gwiizhit ch'ik'itiltsj' gookharigidiinjii zheh gwats'an ch'ooh'ij! ²³ Vit'eegwijyahchy'aa va-law shi'ij dohnyaq ts'a' geech'oh'in gwiizhit, Vit'eegwijyahchy'aa va-law k'it dinjii qhij kwaa ts'a' oozhii Vit'eegwijyahchy'aa vats'an ohtsii! ²⁴ Yeenaa daj' Dəhtly'aa Choh zhit jyaa digwinyaq, “Jews najj nakhweh'an Jews nilii kwaa najj Vit'eegwijyahchy'aa tr'agwaanduu eegiginkhii!” aij gwadanakhwat'oo.

²⁵ Jews qhij, Vit'eegwijyahchy'aa va-law k'it ohdaa ji' nakhwadhah gihleerihit'uu lyaa gwihil'ee, gaa Law k'it ohdaa kwaa ji' nakhwadhah gihleerahaht'ii gwat'oohchy'aa kwaa. ²⁶ Zhit juu Jews nilii kwaa, K'eegwaadhat k'eegwahthat ts'a' vadhah gihleetr'ihit'uu kwaa ji' gaa Vit'eegwijyahchy'aa, dinjii vadhah gihleerihit'uu k'it yahah'yaa lee t'oonchy'aa? Aaha! ²⁷ Jews qhij ts'a' Law loqhnaii geh'an Jews nilii kwaa najj gwint'oo tr'agwaanduu t'akhwa'in nakhwagahnyaq. Nakhwan aij Law danakhwat'oo khwa'ij ts'a' nakhwadhah gihleerihit'uu. Gwiizhit goodhah gihleerihit'uu kwaa gaa nihk'it Law k'it dinjii ginlii. ²⁸ Juu dee vadhah gihleerihit'uu ts'a' lyaa Jews nilii? Zhit Jews nilii, vadhah vatthaj' kat gihleerihit'uu aij nakwaa. ²⁹ Gaa juu Jews nilii aijt'ee Vit'eegwijyahchy'aa haa geedaa k'it t'iginchy'aa, ts'a' Vit'eegwijyahchy'aa Vach'anky'aa Shroodiinyaq gwigwitr'it t'oonchy'aa, dəhtly'aa kat law danakhwat'oo aij nakwaa, jii k'it t'inchy'aa dinjii t'ee Vit'eegwijyahchy'aa deeyihit'ee gaa dinjii najj deeyihit'ee kwaa t'oonchy'aa.

3 ¹ Jews najj, Jews nilii kwaa najj andaa ginzij lee t'oonchy'aa? Jews najj goodhah gihleerahaht'ii aij gwihil'ee lee t'igii'in? ² Aaha!, lyaa nats'aa goo'ain datthak gwik'it gwinzii goo'ee t'oonchy'aa. Tr'ookit daj' Vit'eegwijyahchy'aa Jews najj ts'a' khaginkhee aij gwandaa gwihil'ee t'oonchy'aa. ³ Gaa goolat najj Vit'eegwijyahchy'aa akhagoonyaq ji' yu'? Aij ji' Vit'eegwijyahchy'aa chan akhagavohoonjyaa lee t'oonchy'aa? ⁴ Lyaa zhyaa nakwaa! Dzaa nankat dinjii najj datthak oots'it ji' gaa Vit'eegwijyahchy'aa aij lyaa hi'didlii nilii t'oonchy'aa. Dəhtly'aa Choh kat gwadanakhwat'oo,

“Nijin Vit'eegwiyjahchy'aa ginkhii daj! hi'deegwidlii haa ginkhii gwigweech'in. Juu gwiizuu nizhit nahnyaa chan gaiiigoovahohtsyaa gwizhr̄ih.” ⁵Gaa gwiizuu t'igwii'in aji Vit'eegwiyjahchy'aa gwinzii t'ii'in andaa gwigweech'in ji' yu'? Geenjit Vit'eegwiyjahchy'aa diigwaaqshii daj! lee gwiizuu t'ii'in gweheenjyaa? (Dinjii, Vit'eegwiyjahchy'aa haandai kwaa k'it giikhii t'ihnyaa.) ⁶Lyaa zhyaa nakwaa! Vit'eegwiyjahchy'aa hi'didlii kwaa ji' nats'ahts'a! jii nan ts'an dinjii nizii akwat dinjii iizuu naji tr'ieheelyaa?

⁷Dinjii ch'ihlee duulee jii jyaa diheenjyaa, “Gaa gwint'oo oihts'it aji Vit'eegwiyjahchy'aa vich'eegwahndit gwandaa gwizhr̄ih gwagwahch'in ji' yu'? Jaghaii shatr'agwaanduu eenjit khaiinjich'isheheeghit?” ⁸Jii jyaa dagoony'a! jaghaii, “Gweheezyaa geenjit tr'agwaanduu t'ago'ya! jaghaii?” Dinjii lat naji sheeginkhii ts'a! jyaa dihnyaa shagahnyaa, aji naji t'ee Vit'eegwiyjahchy'aa nats'ahts'a! gooveegoo'aii gwik'it googwahqshii t'iginchy'aa.

Ch'ihlee Gaa Khit Vit'eegwiyjahchy'aa K'eegwahthat Kwaa

⁹Ajits'a! t'ee Jews naji lee Jews nilii kwaa naji andaa ginzii? Lyaa zhyaa nakwaa! Jews ts'a! Jews nilii kwaa haa nihlaa gootr'agwaanduu gwanlii t'oonchy'aa. ¹⁰Dehty'aa Choh kat gwadanakhwat'oo,

“Ch'ihlee gaa vatr'agwaanduu gwakwaa t'oonchy'aa.”

¹¹Ch'ihlee gaa vigwizhi' gwanlii

ts'a! Vit'eegwiyjahchy'aa vataji hoihshi' niindhan kwaa.

¹²Datthak ts'a! Vit'eegwiyjahchy'aa vits'i' tr'aa'ee,

ts'a! tr'agwaanduu t'igwii'in.

Ch'ihlee gaa gwinzii t'ii'in kwaa.

Ch'ihlak gaa nakwaa.

¹³Digiginjik haa tr'agwaanduu giginkhii,

digiighit haa khan goots'it geenjit giizuu.

Goodeevyaa kat gyuu iizuu poison dha'aii k'it t'inchy'aa.

¹⁴Digiginjik haa dinjii naji ts'a! tr'agwaanduu gwizhr̄ih

t'igihee'yaa ginyaa.

¹⁵Nagoogwal'in kwaa haa dinjii naji khaiinjich'igahkhit ts'a!

giikhwaji.

¹⁶Nijin geedaa datthak dinjii khaiinjich'igahkhit ts'a! an

googahtsii.

17 Dinjii tsinehdan zhit nihłaa gwich'ii kwaa gwagwahtsii.

18 Vit'eegwijyahchy'aa łyaa vagwaanjat aji zhit gaagiindaii kwaa.”

19 Jews naji Moses va-law zhit deegwehee'yaa gwinyaa gwik'it dinjii giheelyaa gaagwiindaii. Ajiits'a' digidrii zhit Law haagiindaii geh'an Ch'aroahkat Drin zhit ji' nankat datthak dinjii ch'ihłak gaa duuyeh Vit'eegwijyahchy'aa doo'ya' goovonyaa gaashandaii kwaa ginyaa. 20 Law kat deegwehee'yaa gwinyaa aji Vit'eegwijyahchy'aa vik'eegwarahthat t'igwinyaa kwaa, gaa tr'agwaanduu diigwitr'it gwanlii aji gwigweheechy'aa geenjit t'oonchy'aa.

Nats'ahts'a' Vit'eegwijyahchy'aa Vaa Gwinzii Tr'eedaa

21 Vit'eegwijyahchy'aa vaagwinzii tr'ihedaa juk diits'a' gwizhr̄h nagwaatth'at ts'a' Law zhit deegwehee'yaa gwinyaa t'agwarahnyaa kwaa, gaa Dęhtly'aa Choh zhit Moses va-law ts'a' yeena daj! Vit'eegwijyahchy'aa Eenjit Ginkhii naji haa geegwagwaandak gwik'it. 22 Dinjii nats'ahts'a' Jesus Christ k'injiighit k'iighai' Vit'eegwijyahchy'aa goovaa gwinzii gwahtsii. Vit'eegwijyahchy'aa juu Christ k'injiighit naji jyaa dah'in, datthak veenjit nihłehjuk t'iginchy'aa kwaa geh'an. 23 Juu naji datthak gootr'agwaanduu gwanlii, ts'a' Vit'eegwijyahchy'aa vich'eegoonzhrii eenjit giinzii kwaa. 24 Gaa Vit'eegwijyahchy'aa aji Christ Jesus k'injiriighit k'iighai' diitr'agwaanduu gwats'an tr'ineediiniinlii, Vit'eegwijyahchy'aa dich'eegoonzhrii haa jidii zhyaa, diinantł'eegwiin'aji aji haa vaa gwinzii tr'ihedaa geenjit gwats'an tr'ineediiniinlii t'oonchy'aa. 25 Vit'eegwijyahchy'aa diits'a' zhyaants'ii aji akhagoohenjyaa geenjit Jesus, diitr'agwaanduu eenjit niheedhaa diits'a' naachii. Nijin Jesus diineenjit niindhat gwik'injiriighit daj! t'ee Vit'eegwijyahchy'aa vaa gwinzii tr'eedaa. Jii jyaa diizhit t'ee Vit'eegwijyahchy'aa khit gwinzii t'ii'in gwagwahch'in geenjit, niighit daj! nijin dinjii naji haa khalch'i kwaa nili ts'a' tr'agwaanduu t'igii'in geenjit googwahshii daj!. 26 Ts'a' juk Vit'eegwijyahchy'aa gwinzii khit t'ii'in gwagwaahkii, nijin juu tr'agwaanduu t'ii'in naji Jesus k'injigiighit k'iighai' yaaheedaa gwiłtsaji daj!

27 Akwat jidii eenjit ideech'irehee'yaa? Jaghahi ideech'irehee'yaa? Law kat nats'aq dinjii tr'ihelyaa gwinyaa gwik'it dinjii tr'iinlii geh'an lee? Nakwaa, gaa gwik'injiriighit geh'an gwizhr̄h

ideech'irehee'yaa. ²⁸ Aji geh'an dinjii vigwik'injigwiighit haa Vit'eegwijyahchy'aa haa gwinzii ahaa. Law k'eegwahthat aji geh'an nakwaa. ²⁹ Vit'eegwijyahchy'aa lee Jews naji zhr̄ih eenjit Vit'eegwijyahchy'aa nilii? Nakwaa! Jews nilii kwaa naji eenjit chan Vit'eegwijyahchy'aa nilii t'inchy'aa. ³⁰ Vit'eegwijyahchy'aa ch'ihlak zhr̄ih gwanlii t'oonchy'aa, Jews chan ts'a! Jews nilii kwaa naji haa googwik'injigwiighit k'iighai' Vit'eegwijyahchy'aa haa gwinzii giheedaa goovahtsii. ³¹ Gwik'injiriighit geh'an lee Law akharooheenjyaa? Lyaa nakwaa, gaa gwik'injiriighit k'iighai', gwandaa gwinzii Law k'eegwarahthat t'oonchy'aa.

**Abraham Deezhit Aji Deegwaht'oo
Gwik'injigwiighit Gwihil'ee Gwagwahch'in**

4 ¹ Abraham, Jews naji yats'an deedhaa veenjit deegweheenjyaa? Abraham deezhik? ² Abraham deezhik geh'an dinjii Vit'eegwijyahchy'aa haa gwinzii ahaa ji' t'ee geech'ihee'yaa, gaa Vit'eegwijyahchy'aa vandah duuyeh geech'in t'inchy'aa. ³ Dehtly'aa Choh zhit gwadanakhwat'oo, "Abraham, Vit'eegwijyahchy'aa k'injiighit geh'an Vit'eegwijyahchy'aa dinjii khit shik'eegwahthat nilii yahnyaa." ⁴ Dinjii naji gwitr'it t'agwagwah'in geenjit laraa haa googwarookwat, gaa zhyaa vant'eeranjii kwaa, veenjit gwitr'it t'agwarah'in geh'an gwizhr̄ih diinant'eerinlii. ⁵ Gaa dinjii naji duuyeh Vit'eegwijyahchy'aa haa gwinzii giheedaa geenjit zhyaa gwitr'it t'agwagwah'in, ts'a! Lyaa giik'injiheeghit gwizhr̄ih, dinjii tr'aanduu naji gaa vandee ts'a! gootr'agwaanduu kwaa k'it giiyaa'adaa gwahtsii. Aji ts'a! Vit'eegwijyahchy'aa, googwik'injigwiighit eh'an giiyaa'adaa goovahtsii. ⁶ Yeenii King David aji deegwinyaa gwik'it t'inyaa dai', aji dinjii Vit'eegwijyahchy'aa yaa ahaa ihtsaji, vandee ts'a! gootr'agwaanduu kwaa k'it goovah'in, deegiizhik aji gweechyaa kwaa geh'an lyaa shoo ihkii nyaa:

⁷ "Juu tr'agwaanduu t'ii'in Vit'eegwijyahchy'aa yeenjit oo'an gwahaadlii lyaa shoo nilii.

Aji ts'a! vatr'agwaanduu chan yeenjit ginildee.

⁸ Dinjii naji gootr'agwaanduu geenjit K'eegwaadhat gweechechya kwaa chan lyaa shoo ginlii."

⁹ Jii shoo gwanlii David geeginkhii aji Jews dinjii naji goodhah gihleerihit'uu naji zhr̄ih lee t'ahnyaa? Lyaa zhyaa nakwaa!

Zhit Jews nilii kwaa dinjii najj goodhah gihleerihilt'uu kwaa gaa t'ahnyaq. Jii t'ee Dęhtly'aa Choh zhit gwadanakhwat'oo t'oonchy'aa, "Abraham, Vit'eegwijyahchy'aa k'injihkhit geh'an vatr'agwaanduu gwakwaa k'it yah'in." ¹⁰ Jii Abraham vadhah gihleerihilt'uu ajj gwik'injiheedhaa gwehkij akwat ajjt'ee daj' lee t'igwiizhit? Vit'eegwijyahchy'aa k'injiindhat ajjt'ee t'igwiizhit t'oonchy'aa. ¹¹ Vadhah gihleerahaht'al gwehkij daj' hee gwik'injiindhat, vigwik'injigwiighit eh'an Vit'eegwijyahchy'aa vatr'agwaanduu gwakwaa k'it yah'in, ajjt'ee gwik'injiighit gwigweechee'aa geenjit vadhah gihleerihilt'uu. Ajjts'a' Abraham juu Vit'eegwijyahchy'aa k'injiighit, yeena daj' gwats'an diiti' nilii k'it t'inchy'aa dhidlit. Izhit geh'an Vit'eegwijyahchy'aa vatr'agwaanduu gwakwaa k'it yah'in, vadhah gihleerihilt'uu kwaa gaa nihk'it. ¹² Juu vadhah gihleerihilt'uu najj chan gooti' nilii k'it t'inchy'aa ts'a' Abraham vadhah gihleerahaht'ii gwats'a' daj' nats'aq gwik'injigwiighit di'ij gwik'it gwandaii ajj gwik'it gwagwandaii.

**Gwik'injigwiighit K'iighai' Vit'eegwijyahchy'aa Deehee'yaa
Nyaq Gwik'it T'iizhik Ajj Diinant'eegwin'ajj**

¹³ Nijin Vit'eegwijyahchy'aa, Abraham ts'an deedhaa najj jii nan datthak nakhwant'eeh'aa goovahnyaq daj', Abraham Law k'eegwahthat geh'an nakwaa gaa vigwik'injigwiighit eh'an Vit'eegwijyahchy'aa vatr'agwaanduu gwakwaa k'it yaq'in. ¹⁴ Jidii Vit'eegwijyahchy'aa gwant'eehee'aa ajj juu Law zhit deegwinyaq gwik'eegwahthat najj zhrih t'arahnyaq ji, gwik'injigwiighit ajj gwat'aii kwaa ts'a' Vit'eegwijyahchy'aa ts'a' Abraham haa deegwehee'yaa nihlagaanyaq ajj chan gwiizuu gweheelyaa. ¹⁵ Nijin Law k'eegwarahthat kwaa daj', Vit'eegwijyahchy'aa zhyaants'ij, gaa Law gwakwaa ji' t'ee tr'agwaanduu gwigwitr'it gwakwaa k'it t'oonchy'aa.

¹⁶ Jii jyaa dihee'yaa nyaq ajj gwik'injiriighit geh'an zhyaa tr'oonjik, Abraham ts'an deedhaa najj datthak ant'eeeye'aa, zhit juu Law k'eegwahthat najj zhrih nakwaa, gaa juu Abraham k'it gwik'injigwiighit di'ij najj chan. Abraham t'ee adan tr'ookit gwik'injiindhat geh'an diiti' nilii k'it t'inchy'aa. ¹⁷ Dęhtly'aa Choh kat dagwanakhwat'oo, "Nahkat gwinleji geenjit gwiti' nahałtsyaa," jii t'ee Vit'eegwijyahchy'aa gwik'it t'ishi'yaa nyaq

gwik'it t'iizhik. Abraham t'ee jii Vit'eegwiyahchy'aa k'injiighit. Jii Vit'eegwiyahchy'aa t'ee juu niindhat naji eeneegwidaii ts'a' diginjik zhr̄ih haa jidii datthak iłtsaj̄i t'inchy'aa.

18 Vit'eegwiyahchy'aa aji Abraham nigii tsyaa gweheelyaa ahnyaa aji gwik'it gweheelyaa niindhan ts'a' gwik'injiighit, gwik'it gooli' k'it t'oonchy'aa kwaa gaa nihk'it gwik'injiighit, aji geh'an, "Nankat gwinleji gwiti' hinlyaa," varahnyaa. Dehtly'aa Choh zhit gwadanakhwat'oo gwik'it. "Abraham vats'an deedhaa naji zheetii sa' deegwaht'oo gwanlii gwik'it t'igiheechy'aa." 19 Abraham khaiinjii vaghaii 100 years old nilii ts'a' vatthaj̄i' khaiinjii iłchji k'it t'inchy'aa. Sarah chan vaghaii leji geh'an tr'ii'in vee'agwantrii googaa nihk'it Abraham vigwik'injigwiighit nint'aii yah'ji. 20 Vit'eegwiyahchy'aa deeshi'yaa nyaa duuyeh jyaa dii'in t'oonchy'aa Abraham nyaa kwaa t'oonchy'aa ts'a' nihk'it gwik'injiighit, ajits'a' Vit'eegwiyahchy'aa deehi'ee ts'a' vigwik'injigwiighit t'aih yats'an ah'ji. 21 Lyaa zhyaa Vit'eegwiyahchy'aa deeshi'yaa nyaa gwik'it t'ihee'yaa ts'a' gaandaii. 22 Aji vigwik'injigwiighit eh'an Vit'eegwiyahchy'aa vatr'agwaanduu gwakwaa k'it yah'in. 23 Jii Dehtly'aa Choh zhit jyaa t'igwinyaa, "Vit'eegwiyahchy'aa vatr'agwaanduu gwakwaa yuunyaa," yahnyaa aji adan zhr̄ih t'iiyahnyaa kwaa. 24 Nijin Vit'eegwiyahchy'aa, Diik'eegwaadhat Jesus niindhat ts'a' neeyikhin gwik'injiriighit ji', diikhwan gaa, Vit'eegwiyahchy'aa vatr'agwaanduu gwakwaa k'it diinahah'yaa t'oonchy'aa. 25 Diitr'agwaanduu eh'an Vit'eegwiyahchy'aa ch'ichi' ts'a' gwant'leeyahchji t'inchy'aa, ajits'a' Vit'eegwiyahchy'aa gwinzii vaa tr'iheedaa geenjit nineeyikhin t'inchy'aa.

Vit'eegwiyahchy'aa Vaa Gwinzii Tr'iheedaa Diiniłtsaj̄i

5 1 Et'ee juk diigwik'injigwiighit eh'an, K'eegwaadhat Jesus Christ k'lighai' Vit'eegwiyahchy'aa vaa gwinzii tr'iheedaa diiniłtsaj̄i ts'a' tsinehdan tr'iinlii. 2 Diigwik'injigwiighit eh'an Vit'eegwiyahchy'aa vich'eegoonzhrii diits'an iłtsaj̄i, juk aji zhit gwarandaii ajits'a' yeendaa ji' Vit'eegwiyahchy'aa vich'eegwahndit chan vaa tr'ihee'yaa geenjit shooriinlii. 3 Ajits'a' nijin googwantrii diits'an gwilii daj̄i' shoo tr'inlii, gwiizuu diits'an gwilii geh'an diit'aii gwanlii ts'a' akhagwaroonyaa kwaa. 4 Nijin akhagwaroonyaa kwaa daj̄i', Vit'eegwiyahchy'aa

shoo tr'ahtsii ajiits'a' diishoo'ahji geh'an yeendaa ji' deehee'yaa nyaq aji gwaroonta'. ⁵Jii yeendaa ji' deeshi'yaa nyaq aji jyaa dihee'yaa gaagwiindaii, Ch'ankey'aa Shroodiinyaq k'iighai' diidrii zhit ch'eet'igwiniindhan nint'aii, ajiit'ee Vit'eegwijyahchy'aa diinant'eegwin'aji t'oonchy'aa.

⁶Tth'aii hee diitr'agwaanduu zhit diit'aii kwaa gwiizhit, nijin Vit'eegwijyahchy'aa et'ee nyaq dai' K'eegwaadhat Christ diineenjit niindhat. ⁷Dinjii, Vit'eegwijyahchy'aa haa gwinzii ahaa veenjit nireheedhaa fyaa gwagwantrii. Duulee gaa dinjii ch'ihlee dinjii nizii eenjit niheedhaa gwik'eegwehendaii t'oonchy'aa. ⁸Gaa nijin Gwidinji' diineenjit niindhat dai' Vit'eegwijyahchy'aa deegwacht'oo diineet'iindhan diits'a' gwigweekji, tth'aii hee diitr'agwaanduu gwanlii gwiizhit. ⁹Vadaa k'iighai' Vit'eegwijyahchy'aa vaa gwinzii tr'eedaa goodlit, ts'a' aji zhit geh'an Vit'eegwijyahchy'aa zhyaants'ii kwaa haa, zhat drin ji' diinahakat t'oonchy'aa. ¹⁰Gwehkji dai' Vit'eegwijyahchy'aa fyaa vitr'igwii'ee googaa nihk'it Vidinji' niindhat k'iighai' vijyaa neediiniitsaji. Et'ee Vit'eegwijyahchy'aa vijyaa tr'iinlii geh'an Christ gwandaii k'iighai' neediihahshii gwizhrh goo'aii! ¹¹Gaa jii datthak t'oonchy'aa kwaa, Vit'eegwijyahchy'aa, K'eegwaadhat Jesus Christ k'iighai' diineenjit deezhit geenjit gwint'oo shoo tr'iinlii, ajiit'ee juk Vit'eegwijyahchy'aa vijyaa diiniitsaji.

Adam ts'a' Christ Haa

¹²Dinjii ch'ihlak Adam vatr'agwaanduu k'iighai' dzaa nankat tr'agwaanduu naatth'ak, aji tr'aanduu vaa ch'ich'i' goodlit. Dinjii naji datthak gootr'agwaanduu eh'an juu naji datthak niheedhaa gwizhrh. ¹³Moses va-law direheent'oo gwehkji dai' dzaa nankat tr'agwaanduu gwigwitr'it gwanlii, gaa nijin law gwakwaa dai' Vit'eegwijyahchy'aa dinjii naji atr'agwaanduu gweechyaa kwaa. ¹⁴Adam gwats'an Moses gwats'a' gwa'an gweedhaa dai', dinjii naji niheedhaa gwizhrh, Adam dee'ya' gwik'it t'ige'e'ya' kwaa ts'a' Vit'eegwijyahchy'aa deeni'in yahnyaq chan gwik'eegwahthat kwaa.

Zhat dai' Adam aji Jesus gwehkji nineeheedyya k'it t'inchy'aa. ¹⁵Gaa Adam ts'a' Jesus haa nihk'it t'igiichy'aa kwaa, Vit'eegwijyahchy'aa zhyya jidii dinant'eegwiin'aji t'ee Adam vatr'agwaanduu k'it t'inchy'aa kwaa. Jii dinjii ch'ihlak eh'an dinjii lejii naji niindhat gwinyaq t'ee ti'deegwidlii. Gaa

Vit'eegwijyahchy'aa vich'eegoonzhrii gwandaa jiintsii t'oonchy'aa, aji t'ee dinjii ch'ihlak Jesus Christ k'iighai' zhyaa dinjii lejji najji ant'eeheelyaa nyaq gwik'it t'iizhik t'inchy'aa. ¹⁶Jii jyaa digwiizhit geh'an Vit'eegwijyahchy'aa jidii diinant'eiin'aji t'ee Adam vatr'agwaanduu haa nihk'it t'igwiichy'aa kwaa. Adam ch'ihlok tr'agwaanduu t'iizhik aji Vit'eegwijyahchy'aa gwiizqu t'inizhik yahnyaq, gaa gwinleji tr'agwaanduu tr'agwarah'ya' gaa Vit'eegwijyahchy'aa vich'eegoonzhrii k'iighai' gwiizqu t'iizhik diirahnyaq kwaa. ¹⁷Dinjii ch'ihlak vatr'agwaanduu eh'an dinjii tee ch'ichi' goodlit t'ee hi'deegwidlii. Googaa jii dinjii ch'ihlak, Jesus Christ diineenjit deezhit aji gwandaa t'agwahtsii t'oonchy'aa! Juu Vit'eegwijyahchy'aa vich'eegoonzhrii jiintsii oonjik t'ee Christ k'iighai' Vit'eegwijyahchy'aa vaa gwinzii tr'eedaa goodlit ts'a' khit gwandaii tr'ihhe'yaa t'oonchy'aa.

¹⁸Adam vatr'agwaanduu ch'ihlak eh'an dinjii najji datthak khaiinjich'ihheeghit ts'a' nigieedhat, aji gwik'it Christ k'iighai' Vit'eegwijyahchy'aa vik'eegwarahthat geh'an vaa gwinzii tr'eedaa ts'a' khit gwandaii tr'ihhe'yaa. ¹⁹Ajits'a' dinjii ch'ihlak Vit'eegwijyahchy'aa k'eegwahthat kwaa geh'an diitr'agwaanduu goodlit, aji gwik'it dinjii ch'ihlak Jesus, Vit'eegwijyahchy'aa k'eegwahthat geh'an Vit'eegwijyahchy'aa vaa gwinzii tr'eedaa.

²⁰Deegwaht'oo diitr'agwaanduu gwanlii gaagwehendaii geenjit Vit'eegwijyahchy'aa Law diinant'eiin'aji t'oonchy'aa. Gaa nijin tr'agwaanduu gwigwitr'it gwint'oo t'igwii'in gwilii daji Vit'eegwijyahchy'aa vich'eegoonzhrii gwandaa nitsii ilii k'it t'oonchy'aa. ²¹Ajits'a' ch'ichi' aji tr'agwaanduu t'igwii'in diits'a' k'eedeegwaadhat k'it t'oonchy'aa geh'an niriindhat, gaa juk Vit'eegwijyahchy'aa dich'eegoonzhrii diinant'eiin'aji haa vaa gwinzii tr'eedaa diiniltsaji, Diik'eegwaadhat Jesus Christ k'iighai' gwandaii ndaanaq'aji kwaa khit geenjit tr'ihhe'yaa.

Christ Vaa Khaihlak Tr'inlii Zhit Gwarandaii

6 ¹Akwat deegweheenjyaa? Vit'eegwijyahchy'aa vich'eegoonzhrii gwandaa nitsii heelyaa geenjit nihk'it diitr'agwaanduu gweheelyaa? ²Lya zhyaa nakwaa! Diitr'agwaanduu zhit niriindhat k'it t'igwiizhik, gwiizhit jaghaii tth'aii hee vizhit gwirehendaii? ³Nijin Christ Jesus vaa kheihlak tr'ihheelyaa geenjit chuq diits'an tr'iltsaji daji vaa kheihlak

tr'iheelyaa geenjit nats'aq̄ niindhat gwik'it diikhwan t'ee nariindhat k'it t'igwiizhik. ⁴Niriindhat ts'a' nan zhit diiraatsii k'it t'oonchy'aa, nijin chuq̄ diits'an tr'iłtsaj̄i k'iighai' Christ niindhat gwik'it ts'a' Gwiti' vat'aii ch'eegwāhndit jiintsii k'iighai' niindhat gwats'an yineegwīldaii aj̄it'ee needarahaan'ee ts'a' ch'ijuk dinjii tr'iheelyaa geenjit.

⁵Vaa ch'ihłak tr'iinlii geh'an vaa niriindhat k'it t'oonchy'aa, ts'a' aj̄i gwik'it vaa nireheekhin k'iighai' vaa ch'ihłak tr'iinlii. ⁶Christ, nihk'ataa'ee (cross) kat niindhat geh'an ch'ijuk dinjii tr'iinlii gaagwiindaii, zhit tr'agwaanduu t'igwii'in gwat'aii an gweheelyaa geenjit, aj̄its'a' tr'aanduu gwi-slave tr'iheelyaa kwaa. ⁷Nijin niriindhat daj̄i', tr'agwaanduu t'igwii'in gwats'an tr'idiiniinlii. ⁸Christ vaa niriindhat k'it vaa t'igwiizhik geh'an vaa tth'aii gwireheendaii gaagwiindaii. ⁹Christ diineenjit niindhat ts'a' neegwiindaii ts'a' khit gwandaii heelyaa ts'a' duuyeh chan ch'ichj̄i' neelii vaagwiindaii. ¹⁰Aj̄its'a' niindhat geh'an tr'aanduu gwigwitr'it yats'a' k'eedeegwaadhat kwaa, ts'a' juk Vit'eegwijyāhchy'aa Gwiti' deehi'ee haa gwandaii. ¹¹Aj̄i gwik'it nakhwan t'ee nakhwatr'agwaanduu ts'a' noodhat k'it idininjich'ahohthat, aj̄its'a' Christ Jesus k'iighai' Vit'eegwijyāhchy'aa deehoh'ee haa gōhdaii.

¹²Tr'aanduu gwigwitr'it gwats'a' nakhwatthaj̄i' dinjiighit gwik'it t'akhwa'ya' shro', nakhwatthaj̄i' jidii tr'agwaanduu t'oo'ya' niindhan aj̄i gwik'it t'akhwa'yaa shro'! ¹³Nakhwatthaj̄i' tr'agwaanduu gwigwitr'it gwatsal t'ihee'yaa geenjit gwats'a' t'ohkhya' shro'! Gaa datthak ts'a' gwandaii k'eejit nakhwant'eerin'aj̄i geh'an, Vit'eegwijyāhchy'aa dandee ts'a' gwiinzii yit'eehaahchy'aa geenjit Vit'eegwijyāhchy'aa vats'a' gwant'eedoochj̄i. ¹⁴Tr'aanduu vigwitr'it nakhwats'a' k'eedeegoodhat shro', Moses va-law k'it gōhdaii aj̄i neenakhwahahshii kwaa t'oonchy'aa, gaa Vit'eegwijyāhchy'aa vich'eegoonzhrii k'iighai' neehohshii t'oonchy'aa.

Gwinzii T'igwehee'yaa Geenjit Slaves Tr'inlii T'oonchy'aa

¹⁵Aj̄it'ēē yu'? Moses va-law deediinoonyāq̄ gwik'it gwarandaii kwaa ji', tr'aanduu diigwitr'it gwanlii gwiizhit Vit'eegwijyāhchy'aa vich'eegoonzhrii zhit gwireheendaii? Łyaa zhyaa nakwaa! ¹⁶Datthak ts'a' jii łyaa gaagwiindaii gwizhr̄ih, juu nakhwats'a' k'eedeegwaadhat jyaa dakhwa'in nakhwahnyāq̄, aj̄i vik'it

t'akhwa'in ajiit'ee lya'a vi-slave qhłji t'ohchy'aa. Tr'aanduu vigwitr'it t'ee ch'ichi' t'inchy'aa akwat Vit'eegwijyahchy'aa vik'eegwarahthat t'ee Vit'eegwijyahchy'aa vaa gwinzii tr'eedaa. Jidii shrit t'akhwa'ya'a? ¹⁷Vit'eegwijyahchy'aa vats'a' datthak mahsi' vaihnyaa! Gwehkji dai' tr'aanduu nakhwats'a' k'eedeegwaadhat k'it t'oonchy'aa gaa juk nakhwadrii datthak haa Vit'eegwijyahchy'aa hi'didlii geenakhwahootin gwik'eegohthat. ¹⁸Aji nakhwatr'agwaanduu gwats'an tr'ineekhwarinlii k'it t'oonchy'aa ts'a' Vit'eegwijyahchy'aa vigwitr'it gwinzii t'agoh'in haa vi-slave qhłji k'it t'ohchy'aa. ¹⁹(Datthak ts'a' gwinzii shohtth'ak kwaa geh'an jii ginjik vagwantrii kwaa t'aalchy'aa t'ishi'in.) Gwehkji dai' tr'aanduu gwigwitr'it ts'a' nakhwatthaj' haa tr'agwaanduu tr'agoh'in nakhwats'a' k'eedeegwaadhat k'it t'oonchy'aa. Aji gwik'it Vit'eegwijyahchy'aa vi-slave qhłji k'it t'ahohchy'aa ts'a' Vit'eegwijyahchy'aa vigii shroodiinya q hoh'lyaa.

²⁰Gwehkji dai' ninjin tr'agwaanduu gwitr'it nakhwats'a' k'eedeegwaadhat k'it t'oonchy'aa dai', Vit'eegwijyahchy'aa vik'eegohthat gwat'oohchy'aa kwaa. ²¹Datthak ts'a' aji tr'agwaanduu gwigwitr'it t'akhwa'ya' vaa gaiiyigwadhohtsaaji kwaa, ts'a' jii t'ee gwa'oozhii qhłji. Aji kwaii t'ee dinjii naji giyyaa ch'ichi' ndaagwaqa' di'ji t'oonchy'aa. ²²Gaa juk t'ee tr'aanduu vigwitr'it gwats'an Vit'eegwijyahchy'aa neenakhoonjik ts'a' Vit'eegwijyahchy'aa eenjit gwitr'it t'agahoh'ya'a. Vit'eegwijyahchy'aa veenjit gwizhrh' gwiindaii ajiit'ee gwandaii ndaanqa'aji' kwaa gaiiyigahohtsyaa t'oonchy'aa. ²³Tr'agwaanduu gwigwitr'it t'ee ch'ichi' ndaanqa'aji' t'inchy'aa. Gaa K'eegwaadhat Jesus Christ vaa khaih'ak tr'iinlii k'iighai' Vit'eegwijyahchy'aa zhyaa gwandaii ndaanqa'aji' kwaa diinant'eiin'aji' t'inchy'aa.

Moses Va-Law Diinoontaj' K'it T'oonchy'aa Ts'an Tr'eereejil

7 ¹Gwik'injigwiighit zhit shachaa naji, Moses va-law gwinzii haakhwandaii geh'an jii deehihyaa aji deihnyaa gaakhwandaii. Dinjii naji deegwahkhyuk gwagwandaii gwizhit gwizhrh' aji Law k'eegwagwahahthat t'oonchy'aa. ²Aji gwik'it tr'injaa, deegwahkhyuk vakai' gwandaii gahkhyuk datthak dakai' ih'eeheehaa kwaa, gaa ninjin vakai' niindhat ji' neerahoondal ji' gaa gweheezyaa. ³Jii kwaii datthak Moses va-law zhit danakhwat'oo, tr'injaa vakai' tth'aii hee gwandaii gwiizhit

ch'izhii dinjii duuyeh neeyuunjii. Jyaa diizhit ji' adultery t'iizhik varahaanjyaa. Gaa vakai' niindhat ji' ch'izhii dinjii neeyuunjik ji' gaa t'oohtii t'oonchy'aa kwaa ts'a' adultery t'iizhik varahaanjyaa kwaa. ⁴Shijyaa najii, jii t'ee nakhwaa jyaa doonchy'aa t'oonchy'aa. Datthak neehohshii geenjit law k'eegohthat gwat'oohchy'aa kwaa. Datthak ts'a' Christ vaa khaihłak qhłii geh'an vaa noodhat ts'a' vaa neegohdaii k'it t'oonchy'aa haa Vit'eegwijyahchy'aa veenjit gwitr'it gwinzii t'agahoh'yaa. ⁵Nijin Law haagwiindaii googaa diikhwan deegwiindhan gwik'it gwarandaii daj!, tr'aanduu vigwitr'it zhrìh t'agwaroh'ya' gwiindhan aji diinoontà' zhit ndaagwaa'aji' kwaa gwats'a' niriindhat k'it t'oonchy'aa. ⁶Ajits'a' juk jii Law diinoontà' k'it t'oonchy'aa ts'an tr'eereejil. Vit'eegwijyahchy'aa haa gwinzii tr'iheeda geenjit Moses va-law deegwehee'yaa nyaà juk gwik'it gwarandaii kwaa, gaa Ch'ankey'aa Shroodiinyaà nats'ahts'a' gòhdaii diinoonyaà gwik'it gwarandaii.

Law Diitr'agwaanduu Gwizhrìh Nigwiin'aji

⁷Ajits'a' Moses va-law tr'aanduu gwigwitr'it dihnyaà lee t'ihnyaà? Łyaa zhyaa nakwaa! Gaa vik'iighai' t'ee shatr'agwaanduu gwanlii gaashandaii, aji geenjit t'inchy'aa. "Nakhwanee'ok dinjii ts'an ts'a' dinjikhwaghit shro!" Gwinyaà ts'a' danakhwat'oo kwaa ji' dinjiriighit gwinyaà aji deegwinyaà t'igwinyaà gaahashandaii kwaa. ⁸"Nakhwanee'ok dinjii najii goots'an ts'a' dinjikhwaghit shro!" aji Moses va-law zhit jyaa digwinyaà, aji tr'aanduu gwigwitr'it t'igwii'in gwandaa tr'agwaanduu t'igwehee'yaa geenjit gwat'aahchy'aa ts'a' gwik'it t'ishi'in shahtsii k'it t'oonchy'aa. Gaa law gwakwaa ji' tr'agwaanduu gwigwitr'it t'igwii'in diits'a' k'eedeegwaadhat kwaa k'it t'oonchy'aa. ⁹Nijin Moses va-law deegwehee'yaa nyaà gwadaant'oo gwinzii gaashaandaii kwaa daj! shiyinji' zhit gwinzii t'ihchy'aa, gaa nijin deegwehee'yaa nyaà aji deenyaà t'iinyaà gwiky'aljik daj! shatr'agwaanduu gwanlii lee ts'a' ch'ichi' ndaanaa'aji' kwaa ts'a' ihshyaa lee gwiky'aljik. ¹⁰Ajits'a' niindhat k'it t'ihchy'aa ts'a' jii Law deegwehee'yaa gwinyaà aji nats'aà khit gwaandaii shi'yaa shats'a' gwigweekji aji ch'ichi' shats'an iłtsaji. ¹¹Tr'aanduu vigwitr'it aji Moses nats'ahts'a' dinjii tr'iheelyaa nyaà aji gwik'iighai' tsintesheekaii ts'a' sheekhwaji k'it t'oonchy'aa.

¹²Aji googaa Moses va-law aji h'i'deegwidlii ts'a' nizji gwiizhit shroodiinyaà nilii t'inchy'aa. ¹³Jidii nizji aji sheekhwaji lee

t'igwii'in? Łyaa zhyaa nakwaa! Shatr'agwaanduu aji sheefkhwaaji k'it t'igwii'in, Law niziji t'aahchy'aa haa t'iihzhik. Aji gwik'iighai' tr'aanduu vigwitr'it doonchy'aa gaahashandaii geenjit. Aji Law diitr'agwaanduu łyaa tr'agwaanduu diits'a' gwagwahch'in geenjit t'inchy'aa.

Jidii Niziji ts'a' Iizqu Haa Diizhit Nich'itsahthat K'it T'ii'in

¹⁴Nats'aq dinjii tr'ieelyaa gwinyaq t'ee Vit'eegwijyahchy'aa ts'an t'oonchy'aa: gaa shii aji dzaa nankat gwats'an dinjii ihii, ts'a' slave ihii k'it t'ihchy'aa, tr'agwaanduu gwigwitr'it shats'a' k'eedeegwaadhat k'it t'oonchy'aa. ¹⁵Deeshi'in aji jaghai t'ishi'in gaashandaii kwaa, deesho'ya' nihthan aji gwik'it t'ishi'in kwaa, gaa jidii gitr'ih'ee aji gwik'it t'ishi'in. ¹⁶Tr'agwaanduu t'ishi'in daj!, deeshi'in gitr'ih'ee aji gwik'it t'ishi'in, geh'an nats'aq Moses va-law zhit dinjii tr'ieelyaa gwadanakhwat'oo aji gwinzii dihnyaq k'it t'ishi'in. ¹⁷Shii aji t'ishi'in kwaa, gaa tr'aanduu vigwitr'it shizhit t'inchy'aa k'it t'inchy'aa aji t'ii'in. ¹⁸Gwinzii aji shizhit t'inchy'aa kwaa gaashandaii, dzaa nankat gwats'an dinjii ihii ts'a' tr'agwaanduu gwigwitr'it gwanlii ts'a' nijin gwinzii t'asho'ya' nihthan daj! gwik'it t'ishi'in kwaa. ¹⁹Gwinzii t'asho'ya' nihthan aji gwik'it t'ishi'in kwaa. Aji gwiizhit tr'aanduu vigwitr'it t'asho'ya' kwaa nihthan aji gwik'it t'ishi'in. ²⁰Nijin deesho'ya' kwaa nihthan nihk'it t'ishi'in daj!, aji shii shaghai' t'ishi'in kwaa, gaa aji tr'aanduu shizhit t'inchy'aa aji t'ii'in.

²¹Nijin gwiinzii t'ishi'in daj!, tr'aanduu vigwitr'it shats'ooghahi dha'aii k'it t'oonchy'aa. Jii tr'agwaanduu gwa-law aji gwijihdaii gwizhit deeshi'in aji zhit tr'agwah'in lee gwikyaaaljik. ²²Moses va-law t'ee Vit'eegwijyahchy'aa vats'an t'oonchy'aa ts'a' shiyinji' shoo nilii. ²³Gaa jii tr'agwaanduu gwa-law shizhit tr'agwah'in gaashandaii, Vit'eegwijyahchy'aa va-law zhit goiihdaii nihthan aji haa nich'itsahthat k'it t'oonchy'aa. Aji tr'agwaanduu gwa-law t'ee tr'aanduu vigwitr'it shizhit tr'agwah'in ts'a' shats'a' k'eedeegwaadhat k'it t'inchy'aa. ²⁴Dinjii vaa-shroonchy'aa kwaa ihii! Vit'eegwijyahchy'aa vifeesharahahchyaa kwaa geenjit, shatthaj! tr'agwaanduu t'oo'ya' nindhan aji zhit gwats'an tr'ineesharohchyaa nihthan, ²⁵Vit'eegwijyahchy'aa mahsi', K'eegwaadhat Jesus Christ k'iighai' gwats'an tr'ineeshahchii geenjit.

Jii t'ee jyaa dihchy'aa: shahzhrih daj' Vit'eegwijyahchy'aa va-law aji shiyinji' haa gwik'it t'asho'ya' nihthan, gaa shatthaj' aji gwitr'it iizuq t'agwah'in.

Ch'anky'aa Shroodiinyaq Deediinahnyaq Zhit Gwarandaii

8 ¹Izhit geh'an juk nakhwan juu Jesus Christ haa khaih'ak nilii, ts'a' ch'ih'lee gaa diigwitr'it iizuq diinah'anjyaa, ts'a' diigwaqshii kwaa gwik'it gwarandaii. ²Christ Jesus vaa khaih'ak tr'iinlii t'ee Ch'anky'aa Shroodiinyaq nats'aq gwireheendaii diinahnyaq gwik'it gwarandaii haa tr'aanduu va-law ts'a' ch'ichi' ndaanaq'aji' kwaa ts'an tr'idiinahchij' t'oonchy'aa. ³Diikhwan dzaa nankat gwidinjii tr'iinlii, diit'aii kwaa haa khyu' Vit'eegwijyahchy'aa va-law k'eegwarahthat gwik'eegwarandaii, ts'a' Vit'eegwijyahchy'aa diineenjit t'iizhik. Didinji' dzaa nankat gwats'a' nahchij' dzaa dinjii naji k'it vatr'agwaanduu gweheelyaa ts'a' diitr'agwaanduu geenjit gwant'eerahahchyaa diitr'agwaanduu an gwahahtsyaa geenjit, Vit'eegwijyahchy'aa dzaa nankat gwidinjii t'aahchy'aa. ⁴Vit'eegwijyahchy'aa jyaa diizhit Law zhit ti'deegwidlii haa nats'aq gwaroondaii diinoonya qwik'it gwireheendaii geenjit dzaa nankat gwidinjii naji k'it nakwaa gaa Ch'anky'aa Shroodiinyaq nats'aq gwaroondaii diinoonya qwik'it.

⁵Zhit juu tr'agwaanduu zhrih t'asho'ya' nindhan naji aji tr'agwaanduu t'igii'in goots'a' k'eedeegwaadhat k'it t'oonchy'aa aji naji t'ee khit tr'agwaanduu ninjich'agadhat. Zhit juu Ch'anky'aa Shroodiinyaq goots'a' k'eedeegwaadhat naji t'ee Ch'anky'aa Shroodiinyaq deeyiindhan gwizhrih gininjich'agahthat. ⁶Nijin dzaa nankat gwidinjii k'it gwarandaii daj' ch'ichi' ndaanaq'aji' kwaa gwats'a' tr'eedaa t'igwii'in. Nijin Ch'anky'aa Shroodiinyaq diits'a' k'eedeegwaadhat daj' gwandaii ndaanaq'aji' kwaa ts'a' tsinehdan haa tr'ii'ii. ⁷Nijin dinjii vatthaj' doo'ya' yuunya qwik'it t'ii'in daj' Vit'eegwijyahchy'aa nehts'i' t'inchy'aa ts'a' Vit'eegwijyahchy'aa va-law k'it dinjii ginlii kwaa ts'a' lyaa duuyeh gwik'eegwahthat. ⁸Juu datthaj' doo'ya' nindhan gwik'it t'ii'in duuyeh Vit'eegwijyahchy'aa shoo qhtsii t'oonchy'aa.

⁹Vit'eegwijyahchy'aa Vanky'aa Shroodiinyaq nakhwazhit t'inchy'aa geh'an nakhwatthaj' doo'ya' nakhoonyaa gwik'it gohdaii kwaa, gaa Ch'anky'aa Shroodiinyaq deenakhhoonyaa gwik'it aji gohdaii. Juu Christ vanky'aa shroodiinyaq zhit gwandaii t'ee

Christ ts'an nilii t'oonchy'aa. ¹⁰Gaa Christ nakhwazhit gwandaii ji' t'ee nakhwanky'aa gweheendaii t'oonchy'aa, Vit'eegwijyahchy'aa vaa gwinzii ohdaa geh'an, nakhwatthaj' gwitr'it iizuu t'akhwa'ya' geh'an hahchyya. ¹¹Vit'eegwijyahchy'aa Vanky'aa Shroodiinyaq Jesus ninekhkhin nakhwazhit gwandaii ji', t'ee Vit'eegwijyahchy'aa juu Christ niniikhin t'ee dzaa nankat gwatthaj', Ch'anky'aa Shroodiinyaq nakhwazhit t'inchy'aa k'iighai' nakhwan chan nineenakhwahahkhin t'inchy'aa.

¹²Ajits'a' t'ee shijyaa najj, diitthaj' tr'agwaanduu zhrjh t'oo'ya' niindhan ajj gwik'it gwireheendaii nakwaa gaa, nats'aa Ch'anky'aa Shroodiinyaq gwaroondaii diinoonya q gwik'it gwireheendaii gwizhrjh goo'ajj. ¹³Nakhwatthaj' tr'agwaanduu zhrjh t'oo'ya' nindhan nats'aa gohdaii nakhoonyaa gwik'it gohdaii ji' ndaanaj'aj' kwaa gwizhit nanohthaa gwizhrjh; gaa Ch'anky'aa Shroodiinyaq k'iighai' nakhwat'agwaanduu oo'an gwahohhii ts'a' vizhit gohdaii ji' t'ee gwandaii ndaanaj'aj' kwaa akhwa'yaa. ¹⁴Juu Vit'eegwijyahchy'aa Vach'anky'aa Shroodiinyaq k'eegwahthat t'ee Vit'eegwijyahchy'aa vigii nilii t'oonchy'aa. ¹⁵Vit'eegwijyahchy'aa Ch'anky'aa Shroodiinyaq nant'eegwirin'ajj t'ee noojat akwat slaves nakhwahtsii kwaa. Ch'anky'aa Shroodiinyaq k'iighai' Vit'eegwijyahchy'aa vigii tr'iinlii, ajj geh'an Ch'anky'aa Shroodiinyaq t'aih haa Vit'eegwijyahchy'aa "Shiti', Shiti'!" varahnyaa t'oonchy'aa. ¹⁶Vit'eegwijyahchy'aa vigii tr'iinlii dihaanjyaa geenjit, Vit'eegwijyahchy'aa Vach'anky'aa Shroodiinyaq ts'a' diikhwan diinanky'aa haa adahaa ninlii t'inchy'aa. ¹⁷Vigii tr'iinlii geh'an Vit'eegwijyahchy'aa jidii digii najj eenjit di'ij ajj, ts'a' Christ eenjit jidii di'ij chan nihlaa tr'ooheendal, Christ vaa khaiinjich'iriighit ji' vich'eegwahndit vaa tr'ihee'yaa.

Yeendaa Ji' Ch'eegwahndit Tr'ihee'yaa

¹⁸Juk khaiinjich'iriighit t'ee zhyaa k'it t'oonchy'aa nijin yeendaa ch'eegwahndit gwandaa gwintsii diits'a' gwagwahahkyaa gwaraah'in daj'. ¹⁹Vit'eegwijyahchy'aa, Zheekat ts'a' nankat haa jidii datthak iltsajj kwaii, Vit'eegwijyahchy'aa digii najj gwizhrjh niheelyaa geenjit khyu' nagwagool'in k'it t'oonchy'aa. ²⁰Vit'eegwijyahchy'aa jidii iltsajj kwaii datthak gwits'i' t'inchy'aa ts'a' datthak an gweheelyaa geenjit gwiizuu gwiltsajj, gaa geedan gwik'it t'igiindhan geh'an ajj nakwaa, gaa adan ajj gwik'it

t'iindhan geh'an. Aïj googaa yeendaa ji' gwinzii neegwahahtsyaa t'inchy'aa. ²¹ Vit'eegwijyahchy'aa jidii datthak iltsajï ts'a' ninjin drin Vit'eegwijyahchy'aa vigii najï yaa kheihlan nigijnil ji' vich'eegwahndit zhit jidii iltsajï kwaii datthak vigii najï haa niheedaa ts'a' izhit ji' ch'ichi' heekwaa ts'a' chan an neegweheelyaa kwaa.

²² Aïj juk drin gwats'a' gaagwiindaii, tr'injaa, tr'iinin haa ilts'ik k'it, zhee, nan haa iltsajï datthak khaiinjich'igiighit haa gahahchik. ²³ Zhee, nan haa gwiiltsajï gwizhrïh tree haa khaiinjich'iighit k'it hahchik t'igwinyaa kwaa, diikhwan gwik'injiriighit najï Ch'anky'aa Shroodiinyaa tr'ii'ïjï aïj Vit'eegwijyahchy'aa tr'lookit vich'eegwahndit diits'an hahtsyaa. Diikhwan gaa tree haa khaiinjich'ireheeghit k'it tr'ahahchik Vit'eegwijyahchy'aa vigii tr'iinlii ts'a' jidii diinant'eehee'aa aïj eenjit nagwarool'in geh'an jyaa digwinyaa t'igwinyaa ts'a' ch'ichi' ts'a' diitthajï ahjat ilii aïj ts'an zhyaa tr'ineediheelyaa. ²⁴ Nijin Vit'eegwijyahchy'aa dii gwik'injigwiighit k'iighai' needinahshii dajï gwats'an ch'ichi' ts'a' diitthajï ahjat ilii ts'an zhyaa tr'ineereejil ji' gwindhan. Ch'ihlee gaa jidii ch'adajï di'ïj ts'a' dinjiighit kwaa t'oonchy'aa. ²⁵ Gaa jidii tr'ii'ïj kwaa ts'a' dinjiriighit ji' khai'gwidlii haa nagoorahaa'yaa.

²⁶ Aïjts'a' chan diit'aii kwaa geh'an Ch'anky'aa Shroodiinyaa diits'inyaa t'ii'in. Nats'aa khadigiriinjii gaagwiindaii kwaa geh'an, Ch'anky'aa Shroodiinyaa zhit, Vit'eegwijyahchy'aa vats'a' diineenjit ginjik vaagwiindaii kwaa haa khadigihjii. ²⁷ Vit'eegwijyahchy'aa diidrii zhit doonchy'aa gaandaii ts'a' Ch'anky'aa Shroodiinyaa nats'ahts'a' ninjich'adhat chan gaandaii geh'an Ch'anky'aa Shroodiinyaa, aïj Vit'eegwijyahchy'aa vigii najï eenjit nats'aa khagadqhyaa yuunyyaa gwik'it khagidiinjii.

²⁸ Zhit juu yeet'iindhan najï gweedhaa datthak Vit'eegwijyahchy'aa gooveenjit dee'in datthak gwinzii gwahtsii, ts'a' juu niindhan najï gweete tr'iinlii. ²⁹ Vit'eegwijyahchy'aa Vidinji' aïj ik'injigiheeghit geenjit gwiteetr'iinlii najï, tthok nagoovinlii. Vidinji' Jesus k'it t'igiheechy'aa geenjit. Jyachts'a' t'ee Jesus adan tr'lookit Vit'eegwijyahchy'aa vigii nilii t'inchy'aa. ³⁰ Aïjts'a' Vit'eegwijyahchy'aa zhit juu gwiteetr'iinlii najï tthok ideenjit nagoovinlii, ts'a' gwinzii giyyaa adaa gooviltsajï, Vit'eegwijyahchy'aa vich'eegwahndit lat goovant'eeheelyaa geenjit.

**Jesus Christ, K'iighai' Vit'eegwijyahchy'aa Deegwaht'oo
Diineenjit Ch'eet'igwiniindhan Di'ii Diits'a' Gwagwahch'in**

31 Jii kwaii datthak gwaraah'in geenjit deegweheenjyaa? Vit'eegwijyahchy'aa diinaa t'inchy'aa ji' juu dee diits'i' t'ihheechy'aa? 32 Vit'eegwijyahchy'aa Didinji' oota' kwaa gaa diineenjit gwant'leeyahchii! Didinji' diineenjit gwant'lahchii gwizhit zhyaa jidii gwiindhan datthak diinant'eehee'aa? 33 Juu dee Vit'eegwijyahchy'aa dinjii gwitee tr'iinlii najii gwiizuu t'igiizhik heenjyaa? Ch'ihlee gaa nakwaa Vit'eegwijyahchy'aa adan aji gootr'agwaanduu kwaa goovahnyaa t'oonchy'aa! 34 Juu dee dinjii tr'agwaanduu vigwitr'it gwanlii ts'a' nooghit heenjyaa? Christ Jesus diineenjit niindhat ts'a' ninehjin, ts'a' Vit'eegwijyahchy'aa vishriits'aji gwihil'ee dhidii gwiizhit diineenjit ch'oodiikwat aji nakwaa. 35 Juu, akwat jidii dee Christ vich'eet'igwiniindhan ts'an tr'eediiahchyaa? Googwanrii akwat khaiinjich'iriighit akwat neeshreeraahchy'aa, diigwarahshii akwat ch'ichi'. Kwaii khan gwats'an tr'idiiheelyaa lee t'oonchy'aa? 36 Degt'ya' Choh zhit jyaa digwinyaa,

“Nakhweh'an khit ch'ichi' ts'an gwiizuu gwak'oorijyaa.

Divii tr'ihheeghaa geenjit tthok nirilii k'it t'idiigah'in.”

37 Ch'ihlee gaa nakwaa! Juu diineet'iindhan k'iighai' khit gaiiigiigwarahtsii t'oonchy'aa! 38 Izhit geh'an ch'ihlee gaa duuyeh vich'eet'igwiniindhan ts'an tr'eediinaahchii gaashandaii: gwarandaii akwat niriindhat gaa duuyeh, zheekat gwich'in akwat zhee zhit gwats'a' k'eedeegwaadhat najii gaa nakwaa, juk gweendaa akwat yeendaa deegweheenjyaa kwaii gaa nakwaa, 39 zhee, nan haa datthak gwilts'aji ch'ihlak gaa duuyeh Vit'eegwijyahchy'aa vich'eet'igwiniindhan, aji K'eegwaadhat Christ Jesus k'iighai' diits'an nilii ts'an tr'eediirahchii t'oonchy'aa.

Vit'eegwijyahchy'aa, ts'a' Vigii Najii Haa

9 1 Li'didlii haa gihkhii, ts'a' oihts'it kwaa haa Christ vats'an ihlii. Ch'anky'aa Shroodiinya' shidrii ts'a' k'eedeegwaadhat aji onts'it kwaa shahnyaa t'oonchy'aa. 2-3 Shalak Jews najii, gooveenjit shidrii t'igwiin'ee ts'a' lyaa tr'igwihdii. Jyachts'a' neegeheezhii ji' geenjit Vit'eegwijyahchy'aa gaa shits'i' t'oochy'a' nihthan ts'a' Christ chan vaa khaih'ak hihlyaa kwaa. 4 Israel

gwich'in giinlii, Vit'eegwijyahchy'aa gii giheelyaa geenjit gwitee tr'agoovinlii; dich'eegwahndit goots'a' gwigweekij, Vit'eegwijyahchy'aa goovaa deehee'yaa nyaq goovaa gwinzii gwiłtsajj. Moses va-law gwadanakhwat'oo goovant'eiin'ajj ts'a' Vit'eegwijyahchy'aa nats'aq deerahaq'aa goo'aii ajj chan goovant'eiin'ajj. ⁵Yeenii Hebrew hil'ee najj ts'an digeedhaa; ts'a' Christ dinjii nilii chan goots'an deedhaa. Vit'eegwijyahchy'aa zhee, nan ts'a' k'eedeegwaadhat, khit geenjit deerahoh'e. Amen!

⁶Vit'eegwijyahchy'aa Israel eenjit deehee'yaa nyaq ajj gwik'it t'iizhik kwaa t'oonchy'aa dihnyaq t'ihnyaq kwaa. Israel gwich'in lejij najj Vit'eegwijyahchy'aa gii ginlii kwaa t'oonchy'aa. ⁷Ajj gwik'it yeenii Abraham ts'an deedhaa najj datthak łyaa Vit'eegwijyahchy'aa gii ginlii kwaa. Vit'eegwijyahchy'aa, Abraham jyaa dahnyaq, "Isaac ts'an deedhaa najj zhrıh nats'an deedhaa heelyaa t'oonchy'aa." ⁸Abraham, ts'an deedhaa najj lat Vit'eegwijyahchy'aa gii ginlii kwaa t'igwinyaq, Vit'eegwijyahchy'aa deehee'yaa nyaq ts'an googoodlit ji' t'ee Vit'eegwijyahchy'aa gii ginlii. ⁹Jii t'ee Vit'eegwijyahchy'aa diginjik haa jyaa dishi'yaa nyaq t'oonchy'aa, "Nijin gwinzii gwik'it goodlit ji' k'ineehidik ts'a' Sarah, vidinji' gweheelyaa t'oonchy'aa."

¹⁰Ajits'a' jii zhrıh nakwaa. Rebecca vidinji' neekwaii t'ee yeenii diitsii Isaac gooti' nilii t'oonchy'aa. ¹¹⁻¹²Gaa jii doo'ya' nindhan gwigweechechy'aa geenjit tsyaa ch'ihlee zhrıh Vit'eegwijyahchy'aa ideenjit gwitee tr'ahchij, ts'a' Sarah jyaa dahnyaq "Nidinji' kit t'ee zhit nidinji' khaiits'a' eenjit gwitr'it t'agwahah'yaa t'oonchy'aa." Gwiizıq akwat gwinzii t'igihee'yaa gwik'it daj' hee, zhit tsyaa googweheelyaa gwehkii daj' jyaa diinya'. Ajits'a' njin Vit'eegwijyahchy'aa gwiteetr'iyahchij daj', vigwitr'it dinchy'aa gwik'iighai' nakwaa, gaa adan gwiteetr'iyahchij geh'an gwizhrıh. ¹³Dęhtly'aa Choh zhit jyaa digwinyaq: "Jacob, ajj veet'iihthan, gaa Esau ajj veet'iihthan kwaa."

¹⁴Vit'eegwijyahchy'aa gwinzii t'ii'in kwaa lee gweheenjyaa? Łyaa nakwaa! ¹⁵Vit'eegwijyahchy'aa Moses jyaa dahnyaq, "Juu nihthan najj neeshraahchy'aa goovohohiyaa, ts'a' juu nihthan najj goots'a' gooveeshriihkyaa." ¹⁶Ajits'a' dzaa nankat gwats'an dinjii tr'iinlii ts'a' jidii datthak gwiindhan akwat deegwii'in gwik'iighai' kwaa, gaa Vit'eegwijyahchy'aa neeshraahchy'aa diinoonya q geh'an gwizhrıh. ¹⁷Dęhtly'aa Choh zhit Egypt gwats'a' k'eedeegwaadhat,

Vit'eegwijyahchy'aa jyaa yahnyaa, “Nik'iighai' deekhołt'aii ts'a' shoozhri' haa nankat datthak gwats'a' k'eedeegwandhat nołtsajii, aji gaageheendaii geenjit.”¹⁸ Ajiits'a' t'ee Vit'eegwijyahchy'aa juu nindhan naji neeshraahchy'aa oonyaa, ts'a' chan juu nindhan chan ki' dach'at ahtsii.

Vit'eegwijyahchy'aa Zhyaants'iji ts'a' Neeshraahchy'aa Niindhan

¹⁹Gaa nakhwatee ch'ihlee jyaa dashahaanjyaa t'oonchy'aa, “Jyaa doonchy'aa ji!, Vit'eegwijyahchy'aa ch'ihlee gaa iizuu heenjyaa kwaa, adan reh jyaa diginchy'aa gooviłtsajii geh'an!”²⁰ Shijyaa naji, juu ihlii nohthan dee, Vit'eegwijyahchy'aa vidii gohkhi? “Jaghaii jyahts'a' shontsajii?” aji tyah łuhch'ant'ak haa iltsajii aji dinjii yiłtsajii jyaa dahnyaa kwaa doonchy'aa.²¹ Aji geh'an t'ee zhit dinjii łuhch'ant'ak haa tyah ahtsii, nats'aa ołtsyaa yuunyaa gwik'it yahtsii, ts'a' nijin łuhch'ant'ak haa tyah neekwaii ołtsyaa niindhan ji' gaa gwik'it t'ihche'yaa, tyah ch'ihlak aji nijin gwihil'ee t'igwii'in geenjit, ts'a' ch'ihlak chan nijin drin gwiteegwaanchy'aa vit'eegwahahchy'aa geenjit.

²² Aji gwik'it Vit'eegwijyahchy'aa deezhit chan gwik'it t'oonchy'aa. Zhyaants'iji haa dat'aii gwagwahch'in. Gaa juu an hahtsyaa naji gootr'agwaanduu geh'an dinjii halchi' kwaa nilii aji gwinzii t'inchy'aa.²³ Neeshraahchy'aa diinoonyaa niindhan ji' gwik'it t'ihche'yaa, datthak shrigwinlik dich'eegwahndit diits'a' gwagwahahchy'aa geenjit.²⁴ Jews naji zhrih tee gwats'an tr'idiiniinlii kwaa gaa Jews nilii kwaa tee gwats'an chan.

²⁵ Dehtly'aa Choh zhit Hosea zhit jyaa diinya',

“Shidinji' ginlii kwaa gaa shidinji' goovahaihjyaa,

gwehkji nahkat geet'iihthan kwaa,

aji ‘Geet'iihthan!’ hihjyaa.

²⁶ Ajiits'a' Dehtly'aa Choh zhit nijin Vit'eegwijyahchy'aa jyaa nyaa,

‘Datthak ts'a' shigii ołhji kwaa,’

nyaa, gaa gehdaa gwandaa ji'

Vit'eegwijyahchy'aa khit gwandaii nilii,

shidinji' goohaanjyaa t'inchy'aa.”

²⁷ Isaiah, Israel naji t'ahnyaa gwik'it, “Israel gwich'in naji lyaa chuu choo vee needdhak k'it googwanlii gaa goolak naji zhrih neehzeehii t'oonchy'aa; ²⁸ K'eegwaadhat dzaa nankat ch'ihlak,

ts'a' khit geenjit gwizhr̄h dinjii nizii n̄jii gwhitee tr'iheelyaa t'oonchy'aa.” ²⁹ Isaiah gwehk̄j̄j̄ deinya' gwik'it, “K'eegwaadhat datthak geenjit t'aih di'j̄j̄ yeenii diitsii lat n̄jii diineenjit akhoonyaa kwaa ji' t'ee Sodom ts'a' Gomorrah kwaiik'it kwaii an goodlit gook'it t'igweheenjyaa.”

Israel ts'a' Gwandak Nizii Haa

³⁰ Āj̄j̄ts'a' deegweheenjyaa? Zhit Israel gwich'in nilii kwaa n̄jii Vit'eegwijyahchy'aa haa gwinzii giheedaa geenjit gwik'eegogwandaii kwaa gaa googwik'injigwiighit eh'an Vit'eegwijyahchy'aa haa gwinzii geedaa. ³¹ Āj̄j̄ gwiizhit Israel gwich'in n̄jii, Law k'eegwagwahthat zhit Vit'eegwijyahchy'aa haa gwinzii giheedaa gwik'eegwagwandaii, gaa khyu' gwik'it t'igii'in. ³² Jaghaii kh̄u' t'igii'in t'ee, digwik'injigwiighit t'eegahchy'aa kwaa ts'a' googwitr'it haa gwik'eegwagwandaii, āj̄j̄ts'a' kii taa t'eeraadhak k'it t'iginjik. ³³ Jii D̄h̄t̄ly'aa Choh zhit geeginkhii:

“Gwah'in, dinjii n̄jii giitaa t'eehaadal geenjit Zion gwizhit kii nihih'aa.

Gaa juu gwik'injigwiighit di'j̄j̄ n̄jii khit goodivee gweheezyaa.”

10 ¹ Shijyaa n̄jii, Jews n̄jii shidrii datthak haa gwik'injigooghit goovohnyaa geh'an Vit'eegwijyahchy'aa vats'a' gooveenjit khadigihjii. ² Lyaa Vit'eegwijyahchy'aa eenjit gwiint'aii tr'agwagwah'in gaa ti'didlii haagiindaii kwaa haa t'igii'in. ³ Nats'ahts'a' Vit'eegwijyahchy'aa adahaa dinjii yeenjit gwinzii t'ii'in gwahtsii gaagiindaii kwaa, ts'a' dagaghai' t'igihee'yaa gwik'eegogwandaii; āj̄j̄ts'a' Vit'eegwijyahchy'aa vik'it dinjii gwinzii t'ii'in k'it dinjii gwinzii t'ii'in gahtsii kwaa. ⁴ Christ, Moses va-law deegwehee'yaa nyaa gwadanakhwat'oo āj̄j̄ ndaagwaa'āj̄j̄ gwiltsāj̄j̄, gwik'iighai' juu gwik'injigwiighit dii'j̄j̄ n̄jii Vit'eegwijyahchy'aa haa gwinzii giheedaa geenjit.

Dinjii N̄jii Datthak Khan Neeheezhii T'oonchy'aa

⁵ “Juu Law kat deegwehee'yaa gwinyaa gwadanakhwat'oo gwik'it gwandaii t'ee khit gweheendaii,” deegwehee'yaa gwinyaa gwadanakhwat'oo datthak gwik'eegwarahthat ji' Vit'eegwijyahchy'aa vaa gwinzii tr'eedaa, nyaa ts'a' Moses gwadaant'oo. ⁶ D̄h̄t̄ly'aa Choh zhit diigwik'injigwiighit haa Vit'eegwijyahchy'aa vaa gwinzii tr'eedaa ji' gwinyaa t'ee jii

t'agwarahnyaa: “Juu zheekat gwats'a' heekhaa li' gweheenjyaa kwaa t'oonchy'aa?” jyaa digweheenjyaa goo'aa kwaa! (Christ oodaa neerahahchyaa gwinyaa t'igwinyaa.) ⁷Ajii gwik'it chan duuyeh: “Juu oozhak gwit'eh goo'aa kwaa gwats'a' heekhaa li' gweheenjyaa kwaa t'oonchy'aa.” (Jyaa t'igwinyaa da'i' Christ ch'ich'i' ts'an tr'ineerahchii t'igwinyaa.) ⁸Jii t'ee Dehtly'aa Choh zhit jyaa digwinyaa, “Vit'eegwijyahchy'aa deenyaq t'ee nakhwats'a' niighit kwaa dha'aa, ts'a' nakhwaghit ts'a' nakhwadrii zhit dha'aa k'it t'inchy'aa.” Ajii gwik'injigwiighit gwandak geeraahtan t'oonchy'aa. ⁹Jesus t'ee K'eegwaadhat nilii diinyaa ji' ts'a' Vit'eegwijyahchy'aa niindhat gwats'an ninehyilkhin gwik'injiinghit ji', t'ee Vit'eegwijyahchy'aa natr'agwaanduu oo'an gweheelyaa t'oonchy'aa. ¹⁰Diigwik'injigwiighit k'iighai' Vit'eegwijyahchy'aa vaa gwinzii tr'eedaa diinahtsii ts'a' jyaa digwinyaa geh'an Vit'eegwijyahchy'aa neediinahshii gwik'injiriighit t'oonchy'aa. ¹¹Dehtly'aa Choh zhit jyaa digwinyaa, “Juu yik'injiighit naji' khit ts'a' goots'a' gwinzii t'ih'eeyaa.” ¹²Jii t'ee juu naji' datthak eenjit t'oonchy'aa, Jews nilii ts'a' Jews nilii kwaa haa nihk'it t'igiichy'aa t'oonchy'aa. Juu yik'injiighit naji' datthak eenjit K'eegwaadhat nilii ts'a' juu shits'iinyaa nyaq naji' ch'eegoonzhrii haa goots'inyaa. ¹³Dehtly'aa Choh zhit jyaa digwinyaa, “Juu K'eegwaadhat shatr'agwaanduu sheenjit oo'an gwihinlii ahnyaa t'ee neehezhi t'oonchy'aa!”

¹⁴Gaa K'eegwaadhat k'injigiighit kwaa ji' duuyeh neeshahshii giyahnyaa. Jesus Vagwandak Nizii giitth'ak kwaa ts'a' chan geegoorahtan kwaa gwiizhit nats'aa gwik'injigeheeghit? ¹⁵Gwandak Nizii eech'ooqahtan naji', geech'oohahchyaa geenjit zhit gwa'an gwats'a' nagooriinlii kwaa ji' nats'aa gwigweheetth'ak? Dehtly'aa Choh zhit jyaa digwinyaa, “Gwandak Nizii eegwaandak naji' goova'in da'i' lyaa shaashroonchy'aa.” ¹⁶Gaa Isaiah vagwanlii gwanaa da'i' leji' naji' Gwandak Nizii k'injigiighit kwaa, ts'a' Isaiah jyaa nyaq, “K'eegwaadhat, leji' naji' jidii geegoorohtin gwik'injigiighit kwaa!” ¹⁷Ajits'a' t'ee, Gwandak Nizii tr'iitth'ak haa t'ee gwik'injigwiighit tr'ii'ii, ts'a' Christ eegwagwaandak gwats'an Gwandak Nizii tr'oonjii.

¹⁸Israel naji', Gwandak Nizii gwinzii giitth'ak kwaa aji' lyaa lee t'agooghahnyaa? Jyaa dihnyaa haa ch'oak'at ts'a' gwidiigiikhe', aahq' jyaa digiizhit t'igiinchy'aa. Dehtly'aa Choh zhit jyaa digwinyaa:

“Googinjik nankat datthak gwigwiitth'ak.”

¹⁹Israel gwich'in najj deegwinyaa t'igwinyaa lee gaagiindaii? Dihnayaa ts'a' chan hee ch'oohkat daj' Dəhtly'aa Choh zhit Moses tr'ookit shidiiginkhe' k'it t'igwiinya',

“Ch'izhii nahkat najj zhit nahkat giinlii kwaa k'it t'inchy'aa kwaii dinjii najj ch'adaaj' giyyii'ijj ajj tr'oo'i' giindhan hahtsyaa;

ts'a' nahkat gwats'an nilii najj dinjii nahkhii googoonyaa najj dinjii zhyaants'ijj gahahtsyaa geenjit goot'ahaachy'aa.”

²⁰Ts'a' nijin Isaiah jyaa diinya' daj' dinjii aanjat kwaa t'inya',

“Shij Vit'eegwijyahchy'aa, juu shankeegwah'in kwaa najj shagwagwah'ajj ts'a' juu shach'oahkat kwaa najj chan goots'a' shigweelkijj.”

²¹Gaa Isaiah eenjit jyaa nya',

“Juu shik'eegwahthat kwaa ts'a' shik'it dinjii oolj' kwaa nindhan najj drin datthak goots'a' shanli' oihta'.”

Vit'eegwijyahchy'aa, Israel Gwich'in Najj Neeshraahchy'aa Oonyaa

11 ¹Vit'eegwijyahchy'aa lee, jii najj shigii t'iginchy'aa kwaa nya'? Jyaa dihnya' ts'a' adoalkat, lya' nakwaa! Shant'ee Israel gwich'in ihlii ts'a' Abraham vats'an dihtthaa ts'a' Benjamin vineezheedijii najj tee gwats'an ihshyaa t'oonchy'aa. ²Tr'ookit daj' gwats'an, Israel gwich'in najj tee gwats'an juu Vit'eegwijyahchy'aa tr'iinlii najj akhoonyaa kwaa t'inchy'aa. Dəhtly'aa Choh zhit Elijah deiinya' vaakhwandaii, nijin Vit'eegwijyahchy'aa, Israel gwich'in najj nehts'i' t'inchy'aa ahnya' daj'. ³“K'eegwaadhat, Neenjit Ginkhii Nilii Najj giilkhwaajj ts'a' Kharigidiinjii Zheh gwizhit na-atainjii tr'ahtsii deek'it dha'aii k'it t'inchy'aa kwaii chan an giltsajj; Juk dzaa shij zhrjh t'ihchy'aa ts'a' shehdaa tr'igwigwehee'aa gwik'eegwagwandaii.” ⁴Nats'ahts'a' Vit'eegwijyahchy'aa yidii ginkhe'? “Dinjii 7 thousand najj ch'ik'itiltsi' Baal oozhii ts'a' khagidiinjii kwaa najj shaa khagoovoolzhii t'oonchy'aa.” ⁵Izhit daj' doonchy'aa chy'aa juk chan gwik'it t'oonchy'aa, Vit'eegwijyahchy'aa vich'eegoonzhrii eh'an Israel gwich'in tr'iinlii ts'a' diitee nitsya' najj zhrjh digii iltsajj. ⁶Vich'eegoonzhrii k'iighai' dinjii najj gwitee tr'iinlii, googwitr'it k'iighai' ajj kwaa. Googwitr'it k'iighai' gwitee tr'agoovinlii ji' t'ee vich'eegoonzhrii hi'didlii kwaa heelyaa t'oonchy'aa.

7Ajj nats'aq dee? Israel najj jidii keegwagwah'in agwagwah'ajj kwaa? Aaha', Vit'eegwijyahchy'aa gootee nitsya' zhrh gwitee tr'iinlii najj giigwah'ajj. Zhit ch'izhii najj Vit'eegwijyahchy'aa goovankee ginkhii gaa giyyiitth'ak kwaa. 8Dehty'aa Choh zhit jyaa digwinyaa, "Vit'eegwijyahchy'aa, gooyinji' zhit gwinzii gaagiindaii kwaa gooviłtsajj, juk drin gwats'a' datthak gwagwaah'in kwaa ts'a' chan ch'igiitth'ak kwaa k'it t'inchy'aa gooviłtsajj." 9Ts'a' yeenii King David jyaa nyaq,

"Ch'aga'aa googwahtsii gwiizhit gook'igaanjik ji' gweheezyaa ts'a' chan zhyaa neet'eegaanajj;

k'it t'igiizhik ts'a' gook'igaanjik ajjt'e'ę khaiinjich'igiighit ji' gweheezyaa!

10 Goovandee kwaa k'it t'iginchy'aa ji' gweheezyaa;

ts'a' googwanrii zhit khit ts'a' khaiinjich'igiighit ji' gweheezyaa."

11 Jyaa dihnyaq ts'a' ch'oałkat, nijin Jews najj niighit daj' neet'eegaanajj k'it t'igiizhik daj' tr'agwaanduu googwitr'it gwiinli' zhit an gaadlit? Łyaa zhyaa nakwaa! Jews najj tr'agwaanduu googwitr'it gwiinli' geh'an Vit'eegwijyahchy'aa Jews nilii kwaa najj neehezhi gwiłtsajj ts'a' Jews nilii kwaa najj jidii Jews najj gi'i'ii ts'a' dinjigiheeghit geenjit t'iizhik. 12 Jews najj Vit'eegwijyahchy'aa k'it dinjii ginlii kwaa ts'a' gootr'agwaanduu chan gwanlii ajj geh'an Jews nilii kwaa najj Vit'eegwijyahchy'aa goots'a' gwinzii t'ii'in. Gaa Vit'eegwijyahchy'aa gwandaa diits'a' gwinzii t'ihēe'yaa, nijin Jews najj datthak Christ k'injigiighit gaadlit ji'.

Vit'eegwijyahchy'aa, Jews Nilii Kwaa Najj Neehahshii

13 Jews nilii kwaa najj, jii jyaa danakhwaihnyaa t'ihnyaa dahkhyuk nakhwats'a' tr'ihii'ee ihii gahkhyuk datthak shigwitr'it ashoo'ahhii ts'a' gwint'aii gwitr'it t'agwał'in. 14 Zhit Jews nilii kwaa najj jidii gi'i'ii ts'a' shalak Jews najj dinjigiighit gwik'iighai' goolak najj neegehezhi geh'an jyaa dishizhit t'ishi'in. 15 Nijin Jews najj gootr'igwii'ee daj', ch'izhii dinjii najj Vit'eegwijyahchy'aa vijyaa gaadlit. Nijin Jews najj vijyaa neeriłtsajj ji', deegweheenjyaa li'? Vit'eegwijyahchy'aa gooneegwiłdaii k'it t'igiheenjyaa.

16 Jii k'it t'oonchy'aa t'oonchy'aa, łuh nahtraa lat, Vit'eegwijyahchy'aa vantł'eiin'ajj ji', zhit łuhchy'aa datthak vats'an heelyaa, ts'a' ts'iivii tthoochan Vit'eegwijyahchy'aa vantł'eintin

ji', aji ts'iivii tthoochyah kwaii chan vats'an heelyaa t'inchy'aa.
 17 Jews naji, Olive ts'iivii gwanzhih deek'it nahshii aji valak
 leelnai ts'a' Olive ts'iivii tthoochyah gwanzhih deek'it geh'at
 nahshii aji Olive ts'iivii kat nirinlii k'it t'iginchy'aa. Nakhwan
 Jews qhii kwaa naji aji Olive ts'iivii tthoochyah gwanzhih deek'it
 geh'at nahshii k'it t'ohchy'aa, juk it'ee Jews naji haa nakhwariinlii
 ts'a' Vit'eegwijyahchy'aa gooveenjit deehee'yaa nyaq aji gwik'it
 t'ihce'yaa aji t'ee nakhwan chan goovaa oohohdal t'oonchy'aa.
 18 Aji ts'a' t'ee jii tthoochyah leji naji andaa ihsii noh'ya' shro',
 nats'aa zhyaa ideech'oh'in? Tthoochyah zhrih qhii t'oonchy'aa,
 zhit tthoochan leji ndak ohta' kwaa, aji tthoochan nakhwan ndak
 nakoonta' t'oonchy'aa.

19 Googaa jyaa dahohjyaa. "Aaha', sheenjit dehk'it gweheelyaa
 geenjit, jii tthoochyah leelnai t'oonchy'aa." 20 Aji t'ee hi'deegwidlii,
 gwik'injigiighit kwaa geh'an tthoochyah gwats'an leelnai
 t'oonchy'aa. Gwiizhit datthak ts'a' gwik'injukhit geh'an
 nakhweenjit deek'it gwanlii. Geech'oh'ya' shro', gaa geenjit
 noojat haa tseenyaa gwik'injukhit. 21 Tr'ookit tthoochyah k'it
 t'iginchy'aa geh'an, Vit'eegwijyahchy'aa Jews naji neeshraahchy'aa
 oonyaa kwaa ji', nakhwan gwik'injukhit kwaa ji' gwiizhit
 neeshraahchy'aa nakhwahqonjyaa nohthan?

22 It'ee dzaa Vit'eegwijyahchy'aa nats'aa ch'einzhrii ts'a'
 gwint'oo googwahshii gooh'in. Khit ts'a' vik'it dinjii qhii
 ji' nakhwats'a' ch'eeheenzhrii gaa vik'it dinjii qhii kwaa ji'
 gwint'oo nakhwagwahahshii ts'a' aji tthoochyah leelnai k'it
 t'ahohchy'aa. 23 Aji ts'a' Jews naji gwik'injigiighit kwaa ts'i'
 needigeel'ee ji', Vit'eegwijyahchy'aa nijin gwats'an tr'agoovinlii
 k'iteeneegoheelyaa ji' gaa t'oonchy'aa. 24 Nakhwan Jews nilii
 kwaa naji, gwanzhih deek'it geh'at Olive ts'iivii nahshii ts'an
 Vit'eegwijyahchy'aa leenakhweelnai k'it t'ohchy'aa ts'a' Jews naji
 ts'iivii nizii ts'an tr'igiinjil kat dineenakhweenlii, jyaa laq digwii'in
 kwaa t'oonchy'aa. Gaa Jews naji olive ts'iivii nizii vatthoochyah
 k'it t'iginchy'aa, geh'an aji kat nineegooraheelyaa geenjit
 gwagwantrii kwaa.

Vit'eegwijyahchy'aa Juu Najii Datthak Neeshraahchy'aa Oonyaa

25 Shijyaa naji ideech'oh'in haa ideegahohkhyaa kwaa geenjit
 jii jidii gaakhwandaii kwaa gwinzii gohtth'ak nakhwoihnyaa. Juk

Jews lat nąjį Christ k'injoihkhit giindhan kwaa, gaa duuyeh khít jyaa diginchy'aa t'iginchy'aa, Jews nilii kwaa nąjį Christ ts'an giheelyaa gwats'a' gwizhrih gooveenjit nagwal'in t'inchy'aa. ²⁶ Aįį jyahts'a' Israel nąjį datthak neegeheezhii. Jii Dęhtly'aa Choh zhit geenjit jyaa digwinyąą,

“Jerusalem (Zion) gwats'an dinjii nąjį neehahshii tr'iheehaa, ts'a' Israel nąjį tee juu gwiizųų gwitr'it t'agwah'in datthak goots'an tr'iheelyaa.

²⁷ Aįįts'a' gootr'agwaanduu ts'an tr'eegoohihlyaa ts'a' deeshi'yaa dihnyąą goots'an hahtsyaa.”

²⁸ Jews nilii kwaa nąjį nakhweh'an Jews nąjį Vit'eegwijyąhchy'aa itr'igii'ee ts'a' Gwandak Nizii chan eet'igiindhan kwaa, gaa yeenii gootsii nąjį eenjit deehee'yaa nyąą gwik'it t'iizhik eh'an Vit'eegwijyąhchy'aa gwitee tr'agoovinlii ts'a' goojyaa nilii.

²⁹ Vit'eegwijyąhchy'aa juu gwitee tr'iinlii ts'a' goodivee gwinzii gwahtsii nąjį anaandee kwaa. ³⁰ Aįįts'a' Jews nilii kwaa nąjį nakhwat'ee gwėhkii dąį' Vit'eegwijyąhchy'aa vik'eegohtat kwaa gaa juk Jews nąjį Vit'eegwijyąhchy'aa k'eegwagwahthat kwaa geh'an neeshraahchy'aa nakhoonyaa. ³¹ Aįį gwik'it Jews nilii kwaa nąjį Vit'eegwijyąhchy'aa neeshraahchy'aa nakhoonyaa geh'an juk, Jews nąjį Vit'eegwijyąhchy'aa k'eegwagwahthat kwaa nąjį, geedan chan Vit'eegwijyąhchy'aa neeshraahchy'aa goovahoonjyaa.

³² Aįį geh'an Vit'eegwijyąhchy'aa dinjii nąjį datthak gii-Law k'eegwagwahthat kwaa nąjį zheegwaazhraiį zhit goovohtą' k'it t'oonchy'aa, aįį gwik'iighai' neeshraahchy'aa goovahoonjyaa geenjit.

Vit'eegwijyąhchy'aa deerahoh'e'

³³ Vit'eegwijyąhchy'aa jiintsii veegoo'aii gwinyąą aįį lyaa gęhdaa kwaa gwiintsii t'agwarahnyąą! Vigwizhi' ts'a' deegwaht'oo gaandaii dinjii ch'ihłak gaa duuyeh yandaa gaandaii! Dinjii ch'ihłee gaa nats'aą Vit'eegwijyąhchy'aa ninjich'adhat gaandaii kwaa. Ch'ihłee gaa deehee'yaa yaandaii kwaa. ³⁴ Dęhtly'aa Choh zhit jyaa digwinyąą,

“Juu dee K'eegwaadhat viyinji' haandaii?

Juu jyaa dini'in yahaanjyaa geenjit gwintsii veegoo'aii?

³⁵ Giineegoohėkwat geenjit juu dee yint'eegwinlii?”

³⁶ Dzaa nankat, zheekat datthak gwiltsąį ts'a' vat'aii k'iighai' jidii datthak nihłoontą' ts'a' adan zhrįh datthak veenjit t'oonchy'aa geenjit Vit'eegwijyąhchy'aa vats'a' khít geenjit viyinjirihoh'ee! Amen!

Nats'aq Vit'eegwijyahchy'aa Vitsyaa Tr'iinlii

12 ¹Ajits'a' t'ee shijyaa naji, Vit'eegwijyahchy'aa neeshraahchy'aa diinoonyaq jiintsii k'iighai' jyaa nakhwaihnyaq: Vit'eegwijyahchy'aa vant'ee'adoolchij, ts'a' khit veenjit gwitr'it t'agoh'in gwizhit shoo ohtsii. Jii t'ee nakhwadrii, nakhwagwandaii viyinjii' hi'deegwidlii haa khadhoo'ee t'oonchy'aa. ²Dzaa nankat nats'aq tr'agwaanduu googwitr'it gwanlii gwik'it t'ohchy'a' shro', gaa Vit'eegwijyahchy'aa aji nakhwadrii ts'a' nakhwagwandaii haa gweheezyaa geenjit ch'ijuk t'inilii. Aji jii' t'ee Vit'eegwijyahchy'aa deeyiindhan gaahahkwandaii, shoo hohtsyaa ts'a' gweheezyaa geenjit lyaa gwinzii veenjit t'akhwa'yaa.

³Vit'eegwijyahchy'aa ch'eegoonzhrii k'iighai' jii t'aih shant'eegwiin'aji geh'an nakhwateegwagwaanchy'aa ts'a' jyaa danakhwahaihnyaq. Dinjii andaa ihsii noh'ya' shro'! Gaa nats'aq Vit'eegwijyahchy'aa gwik'injigwiighit nakhwant'eegwin'aji k'iighai' jidii deekhwa'in aji gwinzii akwat gwiizuu ji' gininjich'ohthat. ⁴Diitthaj' t'ee nihlehjuk t'iichy'aa ts'a' datthak nihlehjuk tr'agwah'in. ⁵Aji gwik'it, gwik'injiriighit ts'a' diitee lejii gaa Christ vaa diitthaj' zhit ch'ihlak tr'iinlii aji tr'igiinkhii zheh k'it t'oonchy'aa, ts'a' datthak ch'ijuk t'igwinchy'aa gaa ch'ihlak tr'iinlii ts'a' nihts'an tr'iinlii t'oonchy'aa. ⁶Ajits'a' jii jidii Vit'eegwijyahchy'aa nihlehjuk t'igwii'in diinant'eegwiin'aji aji vich'eegoonzhrii k'iighai' vit'eegwahahchy'aa geenjit t'iizhik. Jii Vit'eegwijyahchy'aa vagwandak eegwarahaandak geenjit diinant'eyin'aji ji', diigwik'injigwiighit datthak k'iighai' vit'eegohchy'aa. ⁷Vit'eegwijyahchy'aa, gwik'injiighit naji ts'ireheenjyaa diits'an gwiłtsajii ji', goots'aroonya', geech'oorahahchyaa chan diits'an gwiłtsajii ji', geech'ooroohchya' jaghaii. ⁸Juu, dinjii gwats'a' hah'ee geenjit gaandaii ji' dinjii gwats'a' ah'ee. Juu gwant'aandak geenjit veegoo'aii ji', zhyaa gwant'aandak. Juu khaihwaii heelyaa geenjit veegoo'aii ji' gwint'oo gwitr'it t'agwah'in haa khaihwaii nilii. Juu neeshraahchy'aa niindhan ji' shoo nilii haa t'ii'in.

⁹Nich'et'igwiniindhan lyaa hi'didlii heelyaa gwizhr̄ih. Jidii tr'agwaanduu chan itr'iin'ee gwizhr̄ih gaa nidrii zhit jidii nizii aji oodaanahta'. ¹⁰Nakhwalak eet'ohthan gwik'it gwik'injiighit naji eenjit ch'et'igwiniindhan akhwa'ji, ts'a' shoo oh̄ji haa

nihteenjihoh'ee. ¹¹ Tr'agoodiinjik kwaa haa gwintl'oo gwitr'it t'agoh'in. Nakhwadrii datthak haa K'eegwaadhat veenjit gwitr'it t'agoh'in. ¹² K'eegwaadhat yeendaa nakhwadeveegweheezyaa geenjit vit'injuhchy'aa, jyahts'a' t'ee khit shoo hohlyaa, nakhwaa gwiizquu daj' khadhoochi' kwaa, ts'a' khit khagadohjii. ¹³ K'aiich'ii akhwa'ij chan juu gwik'injiighit valaraa kwaa ts'a' k'aiich'ii di'ij kwaa naji haa ts'ohnyaa, ts'a' aakin naji nakhwazheh nihdohchik.

¹⁴ Ajits'a' dinjii naji nakhwats'a' gwiizquu t'igii'in ji', Vit'eegwijyahchy'aa goots'i' t'inchy'aa dohnyaa shro' gaa Vit'eegwijyahchy'aa goots'a' gwinzii t'ini'in vohnyaa ¹⁵ Juu vaashroonchy'aa naji haa nakhwaa shroonchy'aa, juu itree ji' goovaa ohtree. ¹⁶ Datthak ts'a' nakhwanee'ok dinjii naji haa gwinzii gwadhoh'ajii, shigwizhi' gwanlii nohkhy'a' shro', deekhwa'yaa goo'aii aji gwik'it t'akhwa'yaa geenjit adashoo oh'i' shro', gaa gwik'it t'akhwa'in.

¹⁷ Juu nakhwats'a' gwiizquu tr'agwah'in ji' gaa vats'a' gwiizquu t'akhwa'ya' shro'! Gwinzii t'akhwa'yaa gwizhrjh gwik'eegohdaii. ¹⁸ Juu naji datthak haa tsinehdan zhit goohohdaii gwizhrjh gwik'eegohdaii. ¹⁹ Shijyaa naji nakhwats'a' gwiizquu t'igwii'in gaa gwit'ineegohtsyaa shro', Vit'eegwijyahchy'aa vats'a' t'agohthan. Degtly'aa Choh zhit geenjit jyaa digwinyaa: "K'eegwaadhat jyaa nyaa, Shij neegwahoikwat ts'a' gwit'ineegwahatsyaa, nyaa." ²⁰ Gaa Degtly'aa Choh zhit ch'adanh gwa'an jyaa digwinyaa: "Dinjii naji neet'iindhan kwaa, ts'a' goozhit gwilts'ik ji' gooch'ah'aa, chuu chan gahlji' ji' chuu goovant'eiinkaii; Jii jyaa dini'in ji' lyaa oozhii goots'an hahtsyaa t'oonchy'aa." ²¹ Tr'agwaanduu gaiiyiinahohtsyaa shro', gaa gwinzii t'akhwa'in haa tr'aanduu gaiiyii'ohtsii.

Nahkat Gwats'a' K'eedeegwaadhat Najj Goots'a' Deegweheechy'aa Goo'aii

13 ¹ Juu naji datthak zhit dinjii dzaa nahkat gwats'a' k'eedeegwagwaadhat najj gook'eegwarahahthat goo'aii. Vit'eegwijyahchy'aa vehdan k'eedeegwaadhat gwanlii kwaa t'oonchy'aa ts'a' juu k'eedeegwaadhat najj Vit'eegwijyahchy'aa k'iighai' zhat nagoorinlii t'oonchy'aa. ² Juu k'eedeegwaadhat ts'i' t'inchy'aa ji' t'ee Vit'eegwijyahchy'aa zhat nagoovinlii aji gwits'i' t'inchy'aa t'oonchy'aa, ts'a' juu k'eedeegwaadhat ts'i'

t'inchy'aa t'ee Vit'eegwijyahchy'aa ts'ì' t'inchy'aa t'oonchy'aa, ts'á' geenjit googwarahshii t'oonchy'aa. ³K'eedeegwaadhat naìì, gwinzii t'ii'in naìì geenjit gahaanajat kwaa goo'aii t'oonchy'aa gaa juu gwiizüü t'ii'in naìì zhrìh googahaanajat. Gwats'á' k'eedeegwaadhat naìì oonjat kwaa nohthan? Akwaa ji' gwinzii tr'agwah'in, gwinzii t'akhwa'in nakhwagahaanajyaa ts'á' nakhweenjigahah'aa. ⁴K'eedeegwaadhat, Vit'eegwijyahchy'aa eenjit tr'agwah'in naìì nakhweenjit gweheezyaa geenjit t'igii'in, gaa gwiizüü nakhwagwitr'it gwanlii ji' goovoonjat gwat'oohchy'aa, khaiinjich'anakhwagahahthat geenjit goot'aii gwanlii t'oonchy'aa. Vit'eegwijyahchy'aa eenjit gwitr'it t'agwagwah'in ts'á' gwiizüü nakhwagwitr'it gwanlii ji' Vit'eegwijyahchy'aa eenjit khaiinjich'anakhwagahahthat t'oonchy'aa. ⁵Jii geh'an gwats'á' k'eedeegwaadhat naìì k'eegohthat, Vit'eegwijyahchy'aa khaiinjich'anakhwahahthat geenjit nakwaa, gaa Vit'eegwijyahchy'aa vik'eegohthat gaakhwandaii haa nakhwayinji' zhit gwinzii gwehee'aa eenjit.

⁶Gwats'á' k'eedeegwaadhat naìì Vit'eegwijyahchy'aa eenjit gwitr'it t'agwagwah'in geh'an tax eenjit nakhwa-laraa lat goonjii t'oonchy'aa. ⁷K'eedeegwaadhat naìì jidii goots'á' goondaii aìì gooneegohkwat, laraa ohtsii lat ts'á' nakhwanan haa tax ohkwat, ts'á' gooveenjikhadhoh'ee.

Nats'aa Nihts'á' Dinjii Tr'iheelyaa

⁸Ch'ihlee gaa ts'á' goiindaii shrò', ch'ee't'igwiniindhan zhrìh nihleenjit akhwa'ìì. Juu jyaa dii'in t'ee Law zhit deegwehee'yaa gwinyaa gwik'eegwahthat t'ii'in. ⁹Moses va-law kat deegwehee'yaa gwinyaa, “Veedhindii kwaa haa oinchi' shrò'! Dinjii ehdaa tr'agoiin'aa shrò'! Ch'qìì'ìì shrò'! Ninee'ok dinjii ts'an ts'á' dinjoinghit shrò'!” Jii datthak ts'á' ch'izhii kwaii haa ch'ihlak nilii t'oonchy'aa, “Deegwaht'oo ideet'iindhan gwik'it ninee'ok dinjii naìì eet'iindhan!” ¹⁰Ninee'ok dinjii naìì eenjit ch'ee't'igwiniindhan ni'ìì ji' duuyeh goots'á' gwiizüü t'ini'in t'oonchy'aa. Aììts'á' ch'ee't'igwiniindhan tr'ii'ìì ji' t'ee Law datthak, gwik'eegwarahahthat k'it t'igwii'in t'oonchy'aa.

¹¹Jii dhohchüü gwats'an dakeekhwa'aii k'it t'oonchy'aa ts'á' jii deenakhwaihnyaa gwik'it t'akhwa'in, tr'ookit gwik'injiriindhat gwats'an juk gwats'á' neediihahshii geenjit nahgwan gweedhaa

niriighit kwaa t'oonchy'aa. ⁸Gwarandaii ji', K'eegwaadhat veenjit gwarandaii t'igwii'in, ts'q' niriidhat ji' K'eegwaadhat veenjit niriidhat t'igwii'in. Aajits'q' gwarandaii akwat niriidhat haa nihk'it K'eegwaadhat vats'an tr'iinlii t'oonchy'aa. ⁹Christ niindhat ts'q' neegwiindaii daj' juu gwandaii akwat niindhat haa eenjit K'eegwaadhat nilii t'ii'in. ¹⁰Zhit juu gwanzhìh zhrìh a'aa najì jaghaii ch'izhii najì nakhweenjit iizqu? Zhit juu jidii datthak a'aa najì chan jaghaii juu gwik'injiighit najì gwanzhìh zhrìh ga'aa nakhweenjit iizqu? Datthak ts'q' Vit'eegwijyahchy'aa vats'a' nireheedhat ts'q' diinahahkat t'oonchy'aa. ¹¹Dèhtly'aa Choh zhit jyaa digwinyaq̄ geh'an,

“Shij Vit'eegwijyahchy'aa gwandaii ihkii,
K'eegwaadhat jyaa nyaq̄,
dinjii najì datthak shats'q' nikiigwahah'aa
ts'q' Vit'eegwijyahchy'aa inlii shagahaanjyaa t'oonchy'aa.”

¹²Datthak ts'q' dzaa nankat deegwee'ya' geenjit Vit'eegwijyahchy'aa diinoahkat ji' vidii gireheekhyaa gwizhrìh t'oonchy'aa.

Nakhwane'e'ok Dinjii Najì Neet'q̄qhkii Shro'

¹³Akwat t'ee nihleenjit tr'oozoo kwaa, gaa ch'izhii dinjii najì neet'eehohthal ts'q' tr'agwaanduu t'igihee'yaa goohohtsyaa gwits'ì' gwak'q̄qhtii. ¹⁴K'eegwaadhat Jesus vaa khaihłak tr'iinlii ts'q' shih tr'a'aa datthak shroodiinyaq̄ nilii gaashandaii ts'q' jidii datthak tr'a'aa. Gaa shih lat shroodiinyaq̄ nilii kwaa gwik'injiriighit ji' t'ee tr'ihēe'aa diineenjit iizqu t'inchy'aa. ¹⁵Jidii oh'aa geh'an nakhwane'e'ok dinjii najì iizqu ohtsyaa shro', jyaa dakhwa'in ji', ch'et'igwiniindhan haa t'akhwa'in kwaa t'oonchy'aa. Jii shih oh'aa eh'an gwik'injiighit najì googwik'injigwiighit ts'an neet'q̄qhkii shro', geedan t'ee Christ gooveenjit niindhat t'oonchy'aa. ¹⁶Nakhwatee gwik'injiighit najì tr'agwaanduu googwitrit gwanli' ohtsii geh'an, jidii nizii ohnyaq̄ aji voozhri' iizqu ohtsyaa shro'! ¹⁷Vit'eegwijyahchy'aa Veegwini'ee t'ee aji jidii tr'a'aa ts'q' tr'inij zhrìh geenjit t'oonchy'aa kwaa, gaa Ch'anky'aa Shroodiinyaq̄, k'iighai' vats'inehdan, vaashragoonchy'aa, ts'q' Vit'eegwijyahchy'aa vaa gwinzii tr'ihēedaa haa diinant'eegwin'aji aji geenjit t'oonchy'aa. ¹⁸Ts'q' nijin jii jyahts'q' gwinzii Christ vitsyaa q̄hij daj' t'ee Vit'eegwijyahchy'aa nakhwashoo'ahkij

gwiizhit nakhwane'ok dinjii nąjį gwinzii t'akhwa'in
nakhwahaanjyaa t'oonchy'aa.

¹⁹ Aįįts'ą' geenjit khit gwinzii t'igwehee'yaa gwik'eegwaroondaii,
gwik'iighai' tsinehdan zhit t'aih nihłihts'an tr'ahahtsyaa geenjit.
²⁰ Vit'eegwijyąhchy'aa diineenjįt deezhit jii shih tr'a'aa haa gwiizųų
gohtsyaa shrų', shih datthak tr'ihee'aa geenjit nizįj t'oonchy'aa
gaa jidii shih nakhwane'ok dinjii tr'agwaanduu t'igii'in ąhtsii ąjį
oh'aa shrų'! ²¹ Nili chan tr'a'aa kwaa, ts'ą' jak chų' chan tr'inįj
kwaa, ts'ą' diinee'ok dinjii gwik'injįighit nąjį tr'agwaanduu gwats'ą'
neet'erakhkii kwaa ąjį gwinzii t'igwii'in t'oonchy'aa. ²² Jidii
nili oh'aa ts'ą' jak chų' akhwanįj ąjį geenjit gwik'injuhkhıt ąjį
nakhwan ts'ą' Vit'eegwijyąhchy'aa haa gwineetak nakhwateet'an
dhoh'ąjį. Dinjii nąjį jidii gwinzii gaagiindaii ąjį googwitr'it gwanlii,
Vit'eegwijyąhchy'aa goovaa shoo nilii t'inchy'aa ts'ą' deegiizhik
geenjįt gootthąj' iizųų kwaa t'igiinchy'aa. ²³ Gaa jidii ga'aa
geenjįt tr'igwigwidii jį', Vit'eegwijyąhchy'aa ąjį jidii ga'aa geenjįt
gwiizųų t'igii'in goovahaanjyaa t'oonchy'aa, googwik'injigwiighıt
niint'aii kwaa geh'an. Vit'eegwijyąhchy'aa t'injiraahchy'aa kwaa
geh'an, jidii t'igwii'in ąjį gwinzii gaagwiindaii kwaa jį' t'ee
Vit'eegwijyąhchy'aa vandah tr'agwaanduu t'igwii'in t'oonchy'aa.

**Ninee'ok Dinjii Nąjį Shoo Hahtsyaa
Gwik'eegwiindaii, Nan Zhrįh Nakwaa**

15 ¹ Diikhwan diigwik'injigwiighıt niint'aii nąjį zhit juu
googwik'injigwiighıt goot'aii kwaa nąjį haa gwiizųų ąj'
goots'igweheenjyaa gwizhrįh. Diikhwan deegwiindhan ąjį zhrįh
gwik'it t'igwehee'yaa kwaa. ² Gaa zhit juu gwik'injįighıt nąjį
googwik'injigwiighıt gwandaa nint'aii heelyaa geenjįt, goozhit
shoo tr'oh'ai'. ³ Dęhtły'aa Choh zhit jyaa digwinyąą, "Nakhwats'ą'
gwiizųų giginkhii t'ee shįj shats'ą' gwiizųų giginkhii t'igii'in."
Aįjį geh'an, Christ shoo adahahtsyaa geenjįt doo'ya' niindhan
gwizhrįh gwik'it t'ee'ya' kwaa. ⁴ Dęhtły'aa Choh zhit jidii datthak
gwadanakhwat'oo t'ee vik'iighai' gwagwarahaa'ee geenjįt
danakhwat'oo t'inchy'aa, yeendaa jį' vit'injiraahchy'aa gwiizhit
gwik'iighai' khai'gwidlii gwireheendaii ts'ą' diit'aii gweheelyaa
geenjįt. ⁵ Aįįts'ą' Vit'eegwijyąhchy'aa vik'iighai' khai'gwidlii
gwarandaii ts'ą' diit'aii gwanlii, haa Christ Jesus dzaa nankat
dhidii gwiizhit deezhik gwik'it datthak ts'ą' nihts'ą' gwinzii dinjii

khohlyaa geenjit nakhwats'iinya'. ⁶Ajits'a' kheihlak qhji haa Diik'eegwaadhat Jesus Christ Viti' Vit'eegwijyahchy'aa vats'a' deerahoh'ee.

**Gwandak Nizii, Jews Nili Kwaa Najj Ts'a'
Geegirinkhii Ajj Geegireheehkhyya**

⁷Ts'a' ajj gwik'it Christ shoo nilii haa vigii hohlyaa geenjit gwiteetr'anakhweiinlii, datthak ts'a' shoo qhji haa nihts'a' ohtsii, jyahts'a' Vit'eegwijyahchy'aa deerahaah'aa geenjit. ⁸Jii nakhwaagwahaldak, Christ, Jews najj ts'ihleenjyaa geenjit dzaa gwats'a' haazhii, yeenii gootsii najj eenjit Vit'eegwijyahchy'aa deehee'yaa nyaq ajj hi'didlii gweheelyaa ts'a' Vit'eegwijyahchy'aa deehee'yaa nyaq ajj khit gwik'it t'ii'in gwigweheechy'aa geenjit. ⁹Ajits'a' Jews nilii kwaa najj Vit'eegwijyahchy'aa neeshraahchy'aa goovoonyaq geenjit giits'a' deegahah'aa. Dęhtly'aa Choh zhit jyaa digwinyaq,

“Jews nilii kwaa najj tee gwats'anh deenookhwaha'aa, gwiizhit ch'ilik haa chan deenookhwaha'aa.”

¹⁰Chan hee Dęhtly'aa Choh zhit jyaa digwinyaq,

“Jews nilii kwaa najj,

Vit'eegwijyahchy'aa vigii Jews najj haa shoo qhji!”

¹¹Ajits'a' chan hee vakat jyaa digwinyaq,

“Jews nilii kwaa najj datthak, K'eegwaadhat deehoh'ee; dinjii najj datthak chan K'eegwaadhat deehoh'ee!”

¹²Chan hee Dęhtly'aa Choh zhit Isaiah jyaa nyaq,

“Jesse ts'an deedhaa najj eeneegwahaakyaa,

Jews nilii kwaa najj ts'a' k'eedeegwaadhat geenjit, ts'a' yeendaa ji' geenjit giit'injyahahchy'aa.”

¹³Nakhwagwik'injigwiighit k'iighai' Vit'eegwijyahchy'aa, tsinehdan ts'a' shoo gwanlii haa nakhwats'an ohtsyaa. Adan t'ee yeendaa ji' geenjit vit'injiraahchy'aa geh'an. Ajits'a' yeendaa ji' nakhwadivee deegweheechy'aa geenjit vit'injuhchy'aa ajj Ch'ankey'aa Shroodiinyaq gwat'aa k'iighai' nitsii heelyaa geenjit.

Paul Jaghahi Ginjik Niint'aa Haa Ch'adant'oo

¹⁴Shijyaa najj, datthak ts'a' lyaa ohsii ts'a' deekhwa'yaa datthak gaakhwandaii ts'a' khan geeneeledootan nakhwaashandaii.

¹⁵Gaa jii dęhtly'aa nakhwats'a' dıht'oo zhit gwinleji

gineenakhwahaldaii geh'an naljat kwaa haa gineenakhwahaldaii geenjit gwiinzii nakhwaagwaldak. Vit'eegwijyahchy'aa jyaa dishi'in geenjit shant'leegwiin'ajii lyaa shoo ihhii. ¹⁶Christ Jesus veenjit gwitr'it t'agwah'in. Giinkhiih k'it t'ishi'in, ts'a' Vit'eegwijyahchy'aa Vagwandak Nizii, Jews nilii kwaa najii haa gwaaltan, ajii gwik'iighai' Jews nilii kwaa najii Vit'eegwijyahchy'aa ts'a' ataiinjii gooritsajii k'it t'iginchy'aa geenjit shoo heelyaa, Ch'anky'aa Shroodiinyaa k'iighai' khit Vit'eegwijyahchy'aa eenjit gwitr'it t'agwagwah'in. ¹⁷Ajits'a' Christ Jesus deegwaht'oo Vit'eegwijyahchy'aa veenjit shik'iighai' gwitr'it t'agwah'ya' geenjit shoo ihhii. ¹⁸Nats'aa Christ Jesus shik'iighai' Jews nilii kwaa najii Vit'eegwijyahchy'aa k'injigiighit gavooltsajii naljat kwaa haa gwinzii geegihikhyyaa. Shiginjik ts'a' shigwitr'it haa k'iighai' t'iizhik. ¹⁹Geegwaroolii kwaa ts'a' gwigwee'in ts'a' Ch'anky'aa Shroodiinyaa vat'aii haa Jerusalem gwats'an Illyricum gwats'a' hoiizhii, izhit Christ Vagwandak Nizii datthak eech'oaalchya'. ²⁰Nijin Christ Vagwandak Nizii tr'iitth'ak kwaa gwa'an khit ts'a' geech'oolchya' nihthan, ajii dinjii ndak gwiltsajii ajii gwandaa ndak neegwahaaltsyaa nihthan t'ihnyaa kwaa. ²¹Dehty'aa Choh zhit jyaa digwinyaa,

“Zhit juu yaandaii kwaa najii gwagwahah'yaa,
ts'a' juu gwigwiitth'ak kwaa najii gaagehendaii.”

Paul, Rome Kwaiik'it Gwachoo Gool'ya' Niindhan

²²Ajii geh'an gwinlejii nakhwats'a' hoihshi' nihthan gaa gwik'it gwilii kwaa. ²³Gaa juk it'ee dzaa nankat gwa'an shigwitr'it ehdaa tr'iijik ts'a' gwinlejii nakhwool'ya' nihthan. ²⁴Juk gwik'it t'ishi'yaa nihthan. Spain nahkat gwats'a' ihshyaa ji' nakhwahal'yaa, shoo haa nakhwaa iidi' ajit'ee shats'ahohjyaa haa Spain nahkat nihshyaa. ²⁵Juk zhat ajii Vit'eegwijyahchy'aa k'injiighit najii laraa goots'a' hihlyaa geenjit Jerusalem gwats'a' hihshyaa. ²⁶Macedonia ts'a' Achaia (Greece) nahkat kwaii gootr'igiinkhii zheh najii Jerusalem gwizhit Vit'eegwijyahchy'aa k'injiighit neeshraahchy'aa najii shoo haa ts'igiheenjyaa geenjit gwant'leegaanjik. ²⁷Goots'igeheenjyaa ajii dagakhai' gwits'iginyaa t'igii'in. Jews gwik'injiighit najii geedan t'ee Jews nilii kwaa najii Gwandak Nizii goovaagwigwildak geh'an Jews najii ant'leeroonjii giindhan. ²⁸Nijin jii gwitr'it gehdaa tr'iijik ji' jii laraa gooveenjit

khaihtan niriinlii datthak gavant'leehihlyaa aijit'ee Spain nahkat gwats'a' ihshyaa ji' nakhwaaha'yaa. ²⁹Nijin nakhweenihshee ji' Christ vat'aii k'iighai' nakhwats'a' gwinzii t'ishi'yaa gaashandaii.

³⁰Shijyaa naji, K'eegwaadhat Jesus Christ zhit diigwik'injigwiighit ts'a' Ch'ankey'aa Shroodiinyaa ch'et'igwiniindhan diinant'eiin'aji geh'an Vit'eegwijyahchy'aa vats'a' sheenjit gwint'aii shaa khagadqhii. ³¹Judea gwizhit gwik'injiighit kwaa naji shigiheendal kwaa ts'a' Jerusalem gwizhit Vit'eegwijyahchy'aa vigii naji goots'iheenjyaa geenjit shoo giheelyaa geenjit khagadqhii. ³²Aijts'a' Vit'eegwijyahchy'aa gwik'it t'iindhan ji', shoo haa nakhweenihshyaa, ts'a' shoo haa nakhwaahihdyaa ts'a' neehalzhi. ³³Vit'eegwijyahchy'aa vats'an tsinehdan tr'ii'ii aji nakhwaa ooli'! Amen!

Paul, Rome Kwaiik'it Gwizhit Dijyaa Naji Eeginkhii

16 ¹Jii gwik'injigwiighit zhit diineejii Phoebe tr'injaa nizii nilii, Cencreae kwaiik'it gwizhit tr'igiinkhii zheh geenjit gwitr'it t'agwah'in (Deacon nilii) nakhwats'a' nahaichyaa. ²Vit'eegwijyahchy'aa vigii naji t'igii'in gwik'it K'eegwaadhat voozhri' zhit qhii ts'a' vats'ohnyaa. Dinjii lejii naji ts'iinya' ts'a' shant'ee chan shits'iinya' t'inchy'aa.

³Priscilla ts'a' vakai' Aquila haa Christ Jesus veenjit gwitr'it t'agwah'in dai' shits'iginya', sheenjit nakhwadiveegoozu' goovohnyaa. ⁴Sheh'an gwiizu gwak'agoozil ts'a' khaiinjii sheenjit nigindhat aji geenjit mahsi' goovohnyaa, shii zhrih kwaa gaa Jews nilii kwaa gootr'igiinkhii zheh kwaii chan mahsi' googhnyaa. ⁵Aijts'a' goozheh gwizhit tr'igiinkhii zheh gwagwahtsii naji chan sheenjit nakhwadiveegoozu' goovohnyaa.

Shijyaa zu' dinjii Epaenetus, nidiveegoozu' sheenjit vohnyaa. Adan tr'ookit Asia gwa'an gwizhit Christ k'injiindhat dhidlit t'inchy'aa. ⁶Ts'a' Mary, nakhweenjit gwint'oo gwitr'it gwiitsaji nidiveegoozu' sheenjit vohnyaa. ⁷Aji dinjii neekwaii Andronicus ts'a' Junia haa shik'it Jews giinlii. Zheh gwaazhrajii shaa giindih sheenjit nakhwadiveegoozu' goovohnyaa. Shekii gwik'injigiindhat ts'a' Tr'ihie'e' naji lyaa goovaagiindaii.

⁸Ts'a' shijyaa dinjii veet'iihthan Ampliatus, chan K'eegwaadhat haa kheihlak nilii aji sheenjit nidiveegoozu' vohnyaa. ⁹Dinjii Urbanus, Christ eenjit diinaa gwitr'it t'agwah'in ts'a'

shachaa Stachys ɭyaa dinjii veet'iihthan nilii haa sheenjit nakhwadiveegoozu' goovohnyaq. ¹⁰Ts'a' aji Apelles dinjii niziji nilii ts'a' Christ shoo ahtsii ts'a' dinjii Aristobulus vizhehk'aa naji haa sheenjit nakhwadiveegoozu' goovohnyaq. ¹¹Dinjii Herodion, shik'it Jews nilii ts'a' aji dinjii Narcissus vizhehk'aa gwik'injiighit naji haa sheenjit nakhwadiveegoozu' goovohnyaq.

¹²Aji tr'injaa Tryphaena ts'a' vijuu Tryphnoso haa K'eegwaadhat deegoovahnyaq zhrh gwik'it t'igii'in naji ts'a' tr'injaa Persis, veet'igwiindhan ts'a' K'eegwaadhat eenjit gwintsii gwitr'it gwahtsii haa sheenjit nakhwadiveegoozu' goovohnyaq. ¹³Dinjii Rufus, K'eegwaadhat eenjit gwint'oo gwitr'it gwahtsii ts'a' vahan, khit digii k'it t'ashoonya haa sheenjit nakhwadiveegoozu' goovohnyaq. ¹⁴Dinjii naji Asyncritus, Phlegon, Hermes Patrobas, Hemas ts'a' juu gwik'injiighit naji datthak sheenjit nakhwadiveegoozu' goovohnyaq. ¹⁵Dinjii Philologus ts'a' Julia, dinjii Nereus ts'a' vijuu, Olympas ts'a' juu goovaa Vit'eegwijyahchy'aa k'injiighit naji haa datthak sheenjit nakhwadiveegoozu' goovohnyaq.

¹⁶Nijin khaihtan nihlaa nineekhwadal daji ch'et'igwiniindhan haa nihlanli' qhiji. Dzaa gwa'an tr'igiinkhii zeh Christ k'injiighit naji nakhwadiveegoozu' nakhwagahnyaq t'oonchy'aa.

Paul Khaiinkqo Goots'a' Ch'adaqant'oo

Daji Jyaa Dakhwa'in Goovahnyaq

¹⁷Shijyaa naji, zhit juu dinjii gwik'injiighit naji khaihtak gwah'iji kwaa gwagwahtsii ts'a' dinjii naji gwik'injigeheeghit gwits'i' an-needagaa'ee gwagwahtsii ts'a' Vit'eegwijyahchy'aa viginjik eenakhwarahchya' aji gwits'i' t'iginchy'aa naji goots'i' adak'oqontii ts'a' goovaa nagoh'aa shro'. ¹⁸Aji juu jyaa dinchy'aa naji Christ Diik'eegwaadhat haa ginlii kwaa naji t'igiinchy'aa, gaa geedan deegiindhan gwizhrh gwik'it t'igii'in. Gijnik niziji haa gigiinkhii zhit dinjii tr'agwaanduu gaandaii kwaa naji iizuu gahtsii ts'a' tsinteegoogakhaii. ¹⁹Juu naji datthak Gwandak Niziji zhit gohdaii nakhweegwigwiith'ak aji geenjit nakhwashoo ahiji. Jidii gwinzii gwigwitr'it datthak gaakhwandaii nahoihnyaq, ts'a' jidii tr'agwaanduu gwigwitr'it aji gaakhwandaii nahoihnyaq kwaa. ²⁰Ajits'a' Vit'eegwijyahchy'aa tsinehdan diits'an ahtsii t'ee niighit kwaa, Satan kat nakhweenjit deehaa'al t'oonchy'aa.

K'eegwaadhat Jesus vich'eegoonzhrii nakhwaa ooli'.

²¹ Timothy, shaa Christ eenjit gwitr'it t'agwah'in ts'á' dinjii Lucius, Jason, ts'á' Sosipater najj haa shik'it Jews ginlii najj haa nakhwadeiveegoozú' nakhwarahnyáá t'oonchy'aa.

²² Jii dęhtly'aa t'ee shij Tertius, Paul veenjít danoiht'oo ts'á' Christ voozhri' zhit nakhwadeiveegoozú' nakhwahnyáá t'oonchy'aa.

²³ Ts'á' dinjii Gaius, vizheh gwihch'ij ts'á' zhat chan tr'igiinkhii gwarahsii geenjit khaihlan nineeriidal chan nakhwadeiveegoozú' nakhwahnyáá t'inchy'aa. Jii kwaiik'it gwachoo laraa k'ááhtii dinjii Erastus ts'á' diichaa gwik'injigwiighit zhit Quartus chan nakhwadeiveegoozú' nakhwagahnyáá t'oonchy'aa.

²⁴ Diik'eegwaadhat Jesus vich'eegoonzhrii nakhwaa oolj'!

Paul, Jii Dęhtly'aa Zhit Khaiinkoq Khagideedi' Ts'á' Deehi'ee

²⁵ Vit'eegwijyáhchy'aa, ch'eegwáhdit vant'eegwaroo'aa, Gwandak Nizij k'iighai' nakhwagwik'injigwiighit niint'aii áhtsii, yeena daí' jidii hi'didlii nagwah'ij áij shats'á' gwigweelkij haa Jesus Christ vech'oaltan. ²⁶ Áijts'á' t'ee jii jidii niighit daí' nagwáá'ij t'ee Vit'eegwijyáhchy'aa Eenjit Ginkhii najj gwadagwagwaant'oo haa gwizhrj nigwigwiin'áij, ts'á' Vit'eegwijyáhchy'aa ndaanáá'áí' kwaa gwik'it gweheelyaa gwizhrj nyáá vik'iighai' nahkat datthak gaagiindaii goodlit, gwik'injigeheeghit ts'á' Vit'eegwijyáhchy'aa k'eegogwahaadhat geenjit.

²⁷ Diivit'eegwijyáhchy'aa adan zhrij vigwizhi' gwanlii, ndaagwáá'áí' kwaa gwats'á' datthak Jesus Christ k'iighai' vich'eegwáhdit gooli'!